




正編

卷九十二之一百六





中興禮書第九十二卷

吉禮九十二

皇地祇

紹興元年二月五日禮部太常寺言討論省繁就簡裁  
 定每歲夏至祭皇地祇并前二日奏告太祖皇帝于  
 天慶觀設位望祭正配二位每位尊爵邊豆各一寔以  
 酒脯鹿麇以獻官一員行禮所用幣依方色權不用玉詔依詳具祀上帝門  
 紹興二年二月七日太常少卿程瑀等言勘會昨臣僚  
 陳請舉行祀祭天地依奏告禮用一邊一豆寔以酒脯  
 權不用禮神真玉牲牢續承指揮每遇祀昊天上帝依  
 儀用禮神真玉牲牢禮料差三獻官等依儀行禮所有  
 每遇祭皇地祇未有指揮今欲乞自將來夏至祭皇



地祇一依祀昊天上帝已得指揮施行所貴祀祭天地一體以稱朝廷欽崇之意詔依  
閏四月二十日禮部太常寺言五月一日夏至日祭皇地祇檢會國朝禮制設皇地祇神位於壇上北方南向契勘政和四年因夏祭大禮禮制局議定設皇地祇神位於壇上南方北向今來係于面北望祭行禮即難以北向設位今欲乞自今後夏至祭皇地祇設位依國朝禮制施行又太常寺言契勘國朝禮制自祖宗以來至政和三年設皇地祇位並係北方南向於政和四年因禮制局議定皇地祇位南方北向其政和四年所議南方北向於經別無考據兼契勘昨郊祀大禮并近明堂大禮並係依國朝禮制設皇地祇位北方南向詔依

四年五月十三日吏部尚書胡松年禮部侍郎陳與義言各差夏至祭皇地祇十二日已受誓戒訖合十九日致齋二十二日行事契勘天申聖節滿散道場松年等欲乞於十九日隨趁樞密院燒香畢即時赴本司致齋庶幾少見臣子祝聖之意如允所乞凡祠事官亦乞依此施行詔特依

六年正月十五日禮部言少卿何慤劄子圖邱方澤社稷之祭見於臨安府天慶觀小屋三楹卑陋湫隘深屬不便乞令城外空閒去處別行踏逐續據臨安府踏逐到城外惠照院充齋宮祀祭詔依詳帝親祀

九年二月二十八日因國子監丞張希亮之請依國朝儀注祀皇地祇用十二簋豆至十四年以太常博士凌



哲言增加樂舞十六年以禮部太常言依政和舊制用  
籩豆各二十有六簠簋各二

祭皇祗儀

時日

太常預于隔季以夏日至祭皇祗闕太史局太史局以  
其日報太常寺太常寺參酌訖具時日致告

齋戒

前祭十日受誓戒于尚書省其日五鼓贊者設位版于  
都堂下初獻在左刑部尚書在右並南向亞終獻位于  
其南稍東北向東上監察御史位于西稍北東向兵部  
尚書相樂太常卿光祿卿相樂太常丞光祿丞位于其  
南稍西北向東上凡設太常丞以奉禮郎協律郎太祝太社

太官令位於其東西向北上質明贊者引行者執事者  
立定就位禮直官引初獻降階就位禮直官贊揖在位  
者對揖初獻播笏讀誓文云某年某日夏日至祭皇地  
祗各揚其職不共其事國有常刑讀訖執笏禮直官贊  
奉禮協律郎太祝太社太官令先退餘官對拜乃退散  
齋七日治事如故宿于正寢不弔喪問疾作樂判書刑  
殺文書決罰罪人及與穢惡致齋三日光祿卿丞大  
日于本司無本司者于隣唯祭祀得行其餘悉禁前祭  
一日質明俱赴祠所齋宮官給酒饌祭官已齋而闕者  
通攝行事

奏告

前祭二日奏告太祖皇帝室如常告之儀



前祭三日儀鸞司設行事執事官次于望祭齋宮之內  
 隨地之宜設饌慢于望祭之殿東南西向前二日有司  
 牽牲詣祠所前一日太社令帥其屬掃除殿之上下太  
 常設正配神位席太史設正配神位版于殿上凡設神位  
太社令太常設祭器凡設祭器皆藉以俟告潔  
監視有司陳牲于殿之東南西向祝史各位于牲後太常設  
 省牲位于牲西三獻官在南北向兵部工部尚書押樂  
 太常卿光祿卿押樂太常丞光祿丞奉禮協律郎太祝  
 太社太官令在南北南向俱西上凡設太常丞以監察御  
 史于兵部尚書之西少絕太常陳禮饌于殿之東南南  
 向設省饌位版于禮饌之南三獻官在南北向西上監

察御史在西東向兵部工部尚書押樂太常卿光祿卿  
 押樂太常丞光祿丞奉禮協律郎太祝太社太官令在  
 東西向北上太常設登歌之樂于殿上稍南北向設官  
 架于庭中立舞表于鄭綴之間

祭日丑前五刻禮直官替者諸司職掌各服其服太常  
 設神位版席太史設神位版于殿上皇地祇位于殿上  
 北方南向席以藁結太祖皇帝位于殿上東方西向席  
 以蒲越太常陳玉幣于神位前之左玉以黃琮威以玉  
 加幣上置諸篚幣以黃祝版各于神位之右置于玷太  
 常設祭器寔之正配位各左二十有六蓮為四行以右

為上第一行模鉶在前粉資次之第二行麴在前黃白  
 濕桃乾桃濕梅乾梅榛榛定次之第三行乾棗在前濕棗栗  
 菱在前芡栗鹿脯菱芡栗鹿脯又次之第四行右二十有六



豆為四行以左為上第一行在前食在前醢在前黍食次之第二  
 鹿肉茅蕪又次之第三行葵苴在前羸醢在前兔醢深  
 大蛤蚶醢豚拍魚醢又次之第四行芹苴在前兔醢深  
 蒲醢醢落雁之醢俎二一在籩前是以羊膾七又俎四在豆右  
 荀莛魚醢又次之醢俎二一在籩前是以羊膾七又俎四在豆右  
 在兩端脊在中一在豆前體其載如羊膾膾七又俎四在豆右  
 為二重以左為上第一重肺三臠膾膾七又俎四在豆右  
 胃以豕腥膚其載如羊膾膾七又俎四在豆右  
 位即上登一在籩豆間是以羊膾膾膾七又俎四在豆右  
 東為上登一在籩豆間是以羊膾膾膾七又俎四在豆右  
 八在籩豆間籩在左籩在右籩籩以黍稷梁稷在黍前設  
 著尊二禮齊初獻酌之壺尊二齊亞終獻酌之皆有  
 壘加勺壘為酌尊太尊二一寔禮齊山尊二一寔壘齊  
 犧尊二一寔沈齊象尊二一寔昔酒皆有壘加壘設而  
 不酌並在殿上稍南北向西上之配位即設于正位酒尊

太常設燭于神位前又設俎四于饌慢內洗二于殿東  
 階下之東南向盥洗在東壘在洗東加勺籩在洗西南  
 肆寔以巾若爵洗之加則執壘籩者位于其後又設揖  
 位于殿之東南如省牲之位唯不設光開瘞坎于殿下  
 之北壬地方深取足容物南出陸設望瘞位于瘞坎之  
 南如省饌之位唯不設光又設三獻官席位于殿  
 東階之東南西向北上設監察御史席位于殿庭當中  
 北向奉禮郎太祝太社太官令位于其後押樂太常卿  
 席位于監察御史之東押樂太常丞協律郎位于其後  
 光祿卿席位于押樂太常卿之東俱北向西上又設監  
 察御史位于殿上樂虞之北在西東向奉禮郎太祝太  
 社令在東北向西上押樂太常丞位于樂虞之北太官



令于酌尊所俱北向協律即位二一于殿上樂虞之西  
一于宮架之西一于宮架之西北俱東向押樂太常卿  
位于宮架之北北向  
省牲器  
前祭一日行事執事官集初獻齋所肄儀太祝習讀祝  
文祇玉幣及神位版訖次禮直官贊者分引行事執事  
官詣殿省牲凡初獻行事禮直官贊者引立定禮直官贊揖次  
引押樂太常卿入行樂架次引監察御史升殿西階凡  
降皆自西階事執事官祇灑濯執事者舉幕曰潔降復位禮直官  
稍前曰告潔畢請省牲太祝出班巡牲一匝詣初獻前  
詣初獻前西向躬曰克退復位光祿寺出班巡牲一匝  
詣初獻前西向躬曰肅退復位禮直官贊省牲畢請就

省饌位揖訖引行事執事官各就位立禮直官贊揖  
所司省饌具畢禮直官贊省饌畢揖訖俱還齋所光祿  
丞太祝以次牽牲詣厨授太官令次引監察御史詣厨  
省鼎鑊祇祭器滌漑協律郎展祇樂器乃還齋所未後  
一刻太官令帥宰人以鸞刀割牲祝史以槃取毛血各  
置于饌所遂烹牲脯後太社令帥其屬掃除殿之上下  
訖還齋所

奠玉幣

祭前五前五刻行用丑太社令先入視設神位版訖  
退樂正帥工人舞人就位登歌工人俟各就位次太  
官令光祿丞帥其屬寔饌具畢光祿丞還齋所次引光  
祿丞卿入詣殿下席位北向立贊者曰再拜光祿卿再



拜陞殿點視禮饌畢次引監察御史陞殿點閱陳設糾  
察不如儀者凡點視及點閱光祿卿還齋所餘官各服  
祭服次引行事執事官各詣殿之東南揖位立定禮直  
官贊揖次引太常卿太常丞協律郎先入就殿下席位  
北向立贊者曰再拜押樂太常卿以下皆再拜各就位  
次引監察御史奉禮郎太祝太社太官令入就殿下席  
位北向立次引初獻兵部工部尚書亞終獻各入就殿  
東階之東席位西向立禮直官稍前贊有司謹具請行  
事協律郎跪挽伏舉麾興工鼓祝宮架作寧安之樂儲  
靈錫慶之舞八成偃麾戛鼓樂止凡樂皆律協即跪挽  
後作偃麾太常瘞血訖贊者曰再拜在位者皆再拜次  
引監察御史奉禮郎太祝太社太官令陞殿各就位立

定太官令就正次引初獻詣盥洗位宮架正安之樂作  
凡初獻升降行止至洗位北向立播笏盥手挽手執笏  
升殿樂止登歌樂作詣皇地祗神位前北向立樂止登  
歌嘉安之樂作播笏跪次引奉禮郎播笏西向跪執事  
者以玉幣授奉禮郎奉禮郎奉玉幣授初獻訖執笏興  
先詣太祖皇帝神位前北向立初獻授玉幣奠訖執笏  
挽伏興再拜樂止次引初獻詣太祖皇帝神位前東向  
立酌獻奠幣如上儀唯登歌作樂止奉禮郎復位  
初獻將降殿登歌樂作降階樂止宮架樂作復位樂止  
進熟

祭日有司帥進饌者詣厨以匕升羊載于一俎肩膂膾  
在上膂膾  
飛脰在下端正脊一直脊一橫脊一長次升豕如羊載  
脇一短脇一代脊一皆二骨以並在中



于一俎正配位設于饌幔內俟初獻既升奠玉幣訖

入陳于殿西階下北向北上次引兵部工部尚書詣殿

西階下搢笏奉俎升殿兵部奉羊宮架豐安之樂作詣

皇地祇神位前北向跪奠先薦羊次薦豕各執笏俛伏

興有司設于豆右賜胄膚之前羊在左次詣太祖皇帝

神位前奉俎如常儀樂止俱降復位初奠俎訖引太祝

取菹搗于醢祭于豆間三又取黍稷肺祭如初俱藉以

茅退復位次引太祝詣皇地祇神位前東向立次引初

獻再詣盥洗位宮架樂作至洗位北向立搢笏盥手說

手執笏詣爵洗位北向立搢笏洗爵拭爵以授執事者

執笏升殿樂正登歌樂作詣正位酌尊所西向立樂止

登歌光安之樂作執事者以爵授初獻搢笏跪執爵執

尊者舉幕太官令酌著尊之醴齊訖先詣配位酌尊所

北向立初獻以爵授執事者執笏興詣皇地祇神位前

北向立搢笏跪執事者以爵授初獻初獻執爵祭酒三

祭酒于茅苴奠爵執笏俛伏興少樂立止太祝搢笏跪

讀祝文讀訖執笏先詣太祖皇帝神位前南向立初獻

再拜次詣太祖皇帝神位前酌獻並如上儀唯登歌作

太常令復詣正位酌尊所太祝復位初獻將降殿登歌

樂作降階樂止宮架樂作復位樂止文舞武舞進宮架

正安之樂作舞者立定樂止次引亞獻詣盥洗位北向

立搢笏盥手悅手執笏詣爵洗位北向立搢笏洗爵拭

爵以授執事者執笏升殿詣正位酌尊所西向立宮架

作文安之樂嚴恭將事之舞執事者以爵授亞獻亞獻



搢笏跪執爵執尊者舉幕太官令酌壺尊之盞齊訖先詣配位酌尊所北向立亞獻以爵授執事者執笏與詣皇地祇神位前北向立搢笏跪執事者以爵授亞獻亞獻執爵祭酒三祭于茅苴奠爵執笏俛伏興再拜次詣太祖皇帝神位前行禮並如上儀訖樂止降復位次引終獻詣洗及升殿行禮並如亞獻之儀降復位次引太祖祝詣正配神位前徹籩豆籩豆各一少移故處登歌娛安之樂作卒徹樂止次引太社令束茅訖俱復位禮直官曰賜胙贄者承傳曰賜胙再拜在位者皆再拜送神宮架寧安之樂作一成止

望瘞

初寧安之樂畢引三獻官兵部工部尚書詣望瘞位宮

架樂作至位樂止有司各詣神位前取幣祝版饌物及牲之左髀束茅苴于瘞坎次引監察御史押樂太常卿太常丞奉禮協律郎太祝太社令詣望瘞位立定禮直官曰可瘞寘土半坎次引初獻以下詣東南揖位定立禮直官贄禮畢揖訖退太官令帥其屬徹禮饌次引監察御史詣殿上監視收徹訖還齋所光祿卿以昨奉進監察御史就位展視訖光祿卿望闕再拜乃退







局太史局以其日報太常寺太常參酌訖具時日散告

齋戒

前祀十日受誓戒於尚書省其日五鼓贊者設位版于都堂下吏部尚書在左刑部尚書在右並南向三獻官位于其南稍東北向西上監察御史位于其西稍北東向押樂太常卿光祿卿兵部工部郎中押樂太常丞光祿丞位于其南稍西北向東上押樂太常丞光祿丞位皆稍却奉禮協律郎太祝太社太官令位于其南西向北上質明贊者引行事執事官就位立禮直官引吏部尚書由都堂降階就位禮直官贊揖在位者對揖吏部尚書播笏讀誓文云某月某日上辛祀感生帝各揚其職不共其事國有常刑讀訖執笏禮直官贊奉禮協律郎太祝太社

太官令退餘位官對拜乃退散齋七日治事如故宿於正寢不弔喪問疾作樂判書刑殺文書決罰罪人及與穢惡致齋三日光祿卿丞太官令齋一日二日于本司無本司者於隣近寺觀質明至唯祀事得行其餘悉禁前祀一日質明俱赴祠所齋官給酒饌祀官已齋而闕者通攝行事

奏告

前祀二日奏告僖祖皇帝室如常告之儀

陳設

前祀三日儀鸞司設行事執事官次于望祭齋宮之內隨地之宜設饌慢于望祭殿之東南西向前有司二日牽牲詣祠所前一日太社令帥其屬掃除殿之上下太常設神位席太史設神位版于殿上凡設神位版皆太社令監視



常設祭器凡設祭器皆藉以席以俟告潔既畢權徹有司  
 陳牲于殿之東南西向祝史各位于牲後太常設省牲  
 位於牲西三獻官在南北向押樂太常卿光祿卿兵部  
 工部郎中押樂太常丞光祿丞奉禮協律郎太祝太社  
 太官令在北南向俱西上凡設太常丞以下皆稍却以  
 押樂太常卿之西少絕太常陳禮饌于殿之東南西向  
 設省饌位版於禮饌之南三獻官在南北向西上監察  
 御史在西東向押樂太常卿光祿卿兵部工部郎中押  
 樂太常丞光祿丞奉禮協律郎太祝太社太官令在東  
 西向北上太常設登歌之樂于殿上稍南北向設宮架  
 于庭中立舞表于鄭綴之間祀日丑前五刻禮直官贊  
 者諸司職掌各服其服太常設神位席太史設神位版

感生帝位於殿上北方南向席以藁秸僖祖皇帝位于  
 殿上東方西向席以蒲越太常陳玉幣于神位前之左  
 以玉以四圭有邸威玉加幣上置諸篚幣以祝版各于神  
 位之右置於坳太常設祭器寔之每位各左十有二籩  
 為三行以右為上第一行形蓋在前魚鱸換餅粉饗次  
 次之第三行在右十有二豆為三行以左為上第一  
 前茨稌鹿脯次之右十有二豆為三行以左為上第一  
 蓋在前次之第三行在右十有二豆為三行以左為上第一  
 醢兔醢次之第三行在右十有二豆為三行以左為上第一  
 俎二一在邊前兩體兩脾兩脅次之兩膾次之兩膾  
 在豆前寔以七體又俎四在豆右為二重以次為上  
 第一重寔以羊膾膾胃膾肺膾離膾肺膾一膾上膾端膾利膾肺膾三膾次膾之  
 羊膾膾胃膾肺膾離膾肺膾一膾上膾端膾利膾肺膾三膾次膾之  
 皆羊膾胃膾肺膾離膾肺膾一膾上膾端膾利膾肺膾三膾次膾之  
 寔以槃一在登前寔以籩二籩二在邊豆外二俎間籩



在左簋在右簋定以稻梁稷在稻前設著尊二水一定明  
醴齊初壺尊二齊一定明水一定皆有壘加勺罍為酌  
尊太尊二一一定泛齊山尊二一一定罍齊犧尊二齊一一定沉  
醇象尊二一一定清酒皆有壘加罍設而不酌並在殿上  
稍南北向西上每位各有爵坩太常設燭于神位前又  
設俎四于饌慢內先二于殿東階下之東南向盥洗在  
西壘在洗東加勺筐在洗西南肆實以巾若爵洗之筐  
加執壘筐者位于其後又設揖位于殿之東南如省牲  
之位唯不設光祿積柴於燎壇設望燎位于殿門三獻  
官在北南向西上監察御史在西東向押樂太常卿兵  
部工部郎中押樂太常丞奉禮協律郎太祝太社太官  
令在東西向北上又設三獻官席位于殿東階之東西

向南上兵部工部郎中席位于殿東階之東西向北上  
設監察御史席位于殿庭之中北向奉禮郎太祝太社  
太官令位于其後押樂太常卿席位于監察御史之東  
押樂太常丞協律郎位于其後光祿卿席位于押樂太  
常卿之東俱北向西上又設監察御史位于殿上樂虞  
之北在西東向奉禮郎太祝太社令在東北向西上押  
樂太常丞於樂虞之北太官令酌尊所俱北向協律郎  
位二一于殿上樂虞之西一于宮架之西北俱東向押  
樂太常卿位于宮架之北北向

省牲器

前祀一日行事執官事集初獻齋所肆儀太祝習讀祝  
文視玉幣及神位版訖次禮直官贊者分引行事執事



官詣殿東省牲位凡初獻行事禮直官立定禮直官贊  
 揖次引押樂太常卿入行樂架次引監察御史升殿西  
階凡行事執事官視滌濯執事者舉帛曰潔降復位禮  
 直官稍前曰告潔畢請省牲太祝出班巡牲一匝詣初  
 獻前西向躬曰充退復位光祿丞出班巡牲一匝詣初  
 獻前西向躬曰膋退復位禮直官贊省牲畢請就省饌  
 位揖訖引行事執事官各就位立定禮直官贊揖所司  
 省饌具畢禮直官贊省饌畢揖訖俱還齋所光祿丞太  
 祝以次牽牲詣厨授太官令次引監察御史詣厨省鼎  
 鑊視祭器滌溉協律郎展視樂器乃還齋所未後一刻  
 太官令帥宰人以鸞刀割牲祝史以槃取毛血各置于  
 饌所遂烹牲脯後太社令帥其屬掃除殿之上下訖還

齋所西向奠玉幣

祀日丑前五刻行事用丑太社令先入視設神位版訖

退樂正帥工人二舞入就位登歌工人侯監察御史點

次太官令光祿丞帥其屬寔饌具畢光祿丞還齋所次

引光祿卿入詣殿下席位北向立贊者曰再拜光祿卿

再拜升殿點視禮饌畢次引監察御史升殿點視陳設

糾察不如儀者凡點視點閱光祿卿退還齋所餘官各

服其服次引行事執事官各詣殿之東南揖位立定禮

直官贊揖次引押樂太常卿太常丞協律郎先入就殿

下席位北向立贊者曰再拜押樂太常卿以下皆再拜

訖各就位次引監察御史奉禮郎太祝太社太官令入



就殿下席位北向立次引初獻兵部工部郎中亞終獻  
各入就殿東階之東席位西向立禮直官稍前贊有司  
謹具請行事協律郎跪伏舉麾興工鼓祝官架作太安  
之樂帝臨嘉至之舞六成偃麾憂敬樂止凡樂皆協律  
郎跪伏舉  
麾興工鼓祝而後作  
偃麾憂敬而後止太常升煙燔牲首贊者曰再拜在  
位皆再拜次引監察御史奉禮郎太祝太社太官太官  
令升殿各就位立定太官令就正次引初獻詣盥洗位  
位酌尊所宮架保安之樂作初獻升降行之樂  
皆初作保安之樂盥手悅手執笏升殿止登歌樂作感生帝神位前北向  
立樂止登歌光安之樂作初獻播笏跪次引奉禮郎播  
笏西向跪執事者以玉幣授奉禮郎奉禮郎奉玉幣授  
初獻訖執笏興先詣僖祖皇帝神位前北向立初獻受

玉幣奠訖執笏俛伏興再拜樂止次引初獻詣僖祖皇  
祖帝神位前東向立奠幣如上儀唯登歌作樂  
皇安之樂樂止奉禮  
郎復位初獻將降殿登歌樂作降階樂止宮架樂作復  
位樂止

進熟

祀日有司帥進饌者詣厨以匕升羊載于一俎肅背端  
在上

肅路在下端正脊一直脊一長脊一次升豕如羊各載  
短脊一代脊一皆二骨以並在中于一俎正配一位  
豕各一俎設于饌幔內初獻奠玉幣訖祝史入

陳于殿西階下北向北上次引兵部工部郎中詣殿西  
階下播笏奉俎升殿兵部奉羊  
部奉豕宮架咸安之樂作詣感

生帝神位前北向跪奠先薦羊次薦豕各執笏俛伏興  
有司設于豆右腸胃膚之前羊在左豕在右次詣僖祖皇帝神



位前東向奉俎如上儀訖樂止俱降復位初奠俎訖引  
太祝取菹擗于醴祭于豆間三又取黍稷肺祭如初俱  
藉以茅退復位次引太祝詣感生帝神位前東向立次  
引初獻再詣盥洗位宮架樂作至洗位北向搯立笏盥  
手悅手執笏詣爵洗位北向立搯笏洗爵拭爵以爵授  
執事者執笏升殿樂止登歌樂作詣正位酌尊所西向  
立樂止登歌崇安之樂作執事者以爵授初獻初獻搯  
笏跪執爵執尊者舉冪太官令酌著尊之醴齊訖先詣  
配位酌尊所北向立初獻以爵授執事者執笏興詣感  
生帝神位前北向立搯笏跪執事者以爵授初獻初獻  
執爵祭酒三祭于茅苴奠爵執笏俛伏興少立樂止太  
祝搯笏跪讀祝文讀訖執笏興先詣僖祖皇帝神位前

南向立初獻再拜次詣僖祖皇帝神位前獻酌並如上  
儀唯登歌作樂止太官令復詣正位酌尊所太祝復位  
初獻將降殿登歌樂作降階樂止宮架樂作復位樂止  
文舞退武舞進宮架正安之樂作舞者立定樂止次引  
亞獻詣盥洗位北向立搯笏盥手悅手執爵笏詣爵洗  
位北向立搯笏洗爵拭爵以爵授執事者執笏升殿詣  
正位酌尊所西向立宮架作文安之樂神娛錫羨之舞  
執事者以爵授亞獻亞獻搯笏跪執爵執尊者舉冪太  
官令酌壺尊之盞齊訖先詣配位酌尊所北向立亞獻  
以爵授執事者執笏興詣感生帝神位前北向立搯笏  
跪執事者以爵授亞獻亞獻執爵祭酒三祭于茅苴奠  
爵執事俛伏興再拜次詣僖祖皇帝神位前行禮並如



上儀訖樂降復位次引終獻詣洗及升殿行禮並如亞  
獻之儀降復位次引太祝徹籩豆籩豆各一少移故處登歌肅安  
之樂作卒徹樂止次引太社令束茅訖俱復位禮直官  
曰賜胙贊者承傳曰賜胙再拜在位者皆再拜送神宮  
架大安之樂作一成止  
初大安之樂畢引三獻官兵部工部郎中詣望燎位宮  
架樂作至位樂止有司各詣神位前取幣祝版幣祝版  
饌物及牲之左髀束茅置于燎壇次引監察御史押樂  
太常丞奉禮協律郎太祝太社令詣望燎位立定禮直  
官曰可燎火燎半柴次引初獻以下詣殿東南揖位禮  
直官贊禮畢訖揖退太官令帥其屬徹禮饌次引監察

御史詣殿監收徹訖還齋所



中興禮書第九十四卷

吉禮九十四

奉迎太廟主

建炎元年七月十九日詔兵部郎官太官寺官各一員  
計置舟船車乘等迎奉神主赴行在就差太廟視事官  
擡昇殿前司差撥禁軍三百人防護內侍二員充同共  
都大主管應用禮器隨宜充代荐新儀物令所至州軍  
斟酌應副  
三年四月二日尚書省言太廟元背負太祖皇帝神主  
親視官李寶稱至瓜州被番人驅虜遂至遺失詔令沿  
路州軍限半月尋訪有得之者有官人與轉五官白身  
人補保義郎其尋訪官司當議取旨推恩



十月十八日從衛禮部太常寺言准批送下權太常少卿鄭士彥劄子昨差禮直官單中度等前去東京般取未到神主今探知已自浙中水路迎奉前來候到洪州日除太祖皇帝一位合擇日奉安入室所有元奉安位牌合行藏瘞外有以次帝后神主緣廟室已足欲乞藏于別殿謹按禮經云昔齊元公舉兵作偽主以行及反藏諸祖廟廟有二主自元公始考孔子之言以二主藏于祖廟未為合禮今乞于別殿是亦權一時之宜更合取自朝廷指揮後批同共討論禮部太常寺討論除本官所乞候將來迎奉東京未到神主至洪州欲乞別設幄次權行安奉太祖皇帝神主一位以俟擇日奉安入室所有見奉安位牌緣今來奉安宗廟神主去處殿廡

之側見有挾屋可以充夾室安藏迎奉到神主即不須別殿安奉于禮為宜詔依

十二月二十二日權太常少卿鄭士彥劄子勘會自來奉安祝文係學士院修撰書寫請御名訖降付本寺今來奉迎宗廟神主至虔州奉安所有合用祝文欲乞令權禮部官修撰從本寺書寫閱從衛御藥院進請御名乞降本寺供應右劄下禮部依所乞

神主選用來年正月六日巳酉吉時宜用其日丙時吉

二十三日太史局言奉安太廟別廟

二十三日權太常少卿鄭士彥劄子勘會今來奉迎宗廟帝后神主已至虔州擇日奉安畢合舉行朔祭荐享荐新之禮其應合行排辦事件并差官等欲乞並依洪州已降指揮排辦兼今來祭器足備欲乞依禮例排辦



牲牢禮料右劄子付太常寺並依所申疾速施行  
四年四月五日奉迎神主所言勘會昨自建康府差鄭  
士彥權太常少卿護從宗廟神主前來洪州起發沿路  
保護至虔州並獲無虞今來鄭士彥係吏部郎中竊慮  
先赴行在契勘本所隨從隆祐皇太后并六宮非晚赴  
行在欲乞令鄭士彥依已得指揮護從提領前去免致  
闕悞詔依  
九月五日內侍高班奉迎神主所都大主管官趙舜輔  
言契勘今來奉迎神主已在婺州權行安奉緣本路當  
衝要竊慮未得安便伏望朝廷檢詳前後臣僚申明速  
降指揮迎奉前去安便州軍權行奉安詔令迎奉往溫  
州奉安

十月四日權太常少卿鄭士彥言奉詔差護從宗廟神  
主迎奉往温州奉安詔得昨自建康府護從宗廟神主  
往江表依詔旨行移係稱從衛太常寺今來從衛百司  
已奉聖旨並赴行在契勘即今係專管護從神主并每  
月朔祭薦新歲終五享奏告行禮祠事其行移即難以  
依舊稱從衛太常寺今欲乞以奉迎神主護從提舉或  
提點所為名詔以奉迎神主護從提點所為名

紹興元年十月十五日新知温州洪擬言契勘宗廟神  
主及景靈公見在本州奉安竊慮緩急事體至重不敢  
一面措置伏乞預降指揮以憑遵守詔如遇緩急令逐  
殿主管官與鄭士彥同共措置前去福州

二年正月九日尚書省言勘會温州奉安神主神御其



供養花果燈燭之類自合嚴潔除近提刑司體究到曾  
觀等所犯係非本殿供養蠟燭已量行斷罪外慮恐本  
州習成弛慢有失朝廷崇奉之意詔令本州守臣逐時  
躬親前去檢點務要嚴潔稍有滅裂如當職官吏少有  
不虔仰按劾聞奏  
三月二日神主神御提點所言契勘太廟神主景靈宮  
等處神御在温州真華觀開元寺奉安與民間屋宇相  
接所有太廟景靈宮火禁並依皇城法外今相度温州  
應遺火罪輕者並依倉庫法如在太廟百步內并依太  
廟火禁法庶知畏忌詔温州太廟百步內居住遺火者  
徒二年致延燒奉安寺觀流三千里餘依見行條法  
三年九月二十日詔奉迎温州太廟神主改稱太廟奉

迎所其監官以奉迎所幹辦官為稱提點官以太廟景

靈宮提點奉迎所為名先是度支郎中侯懋言恭以清

代迄于本朝皆以太廟為稱昨緣車駕臨幸東南有司

一時申請遂以迎奉神主所為名至于迎奉神御所亦

乞依舊作景靈宮稱呼尋

下禮部討論于是從其請

五年二月二十二日禮部太常寺言今同共條具到奉

迎太廟神主赴行在奉安合行禮例事件下項 一俟

奉迎神主到行在日依禮例宰執率文武百僚宗室出

城奉迎 一迎奉儀其日出城赴奉迎處幕次俟報班

定神主腰輿將至班首已下並再拜訖班首出班詣香

案前搢笏三上香執笏復位班首並再拜訖少立如值

拜止于奉俟神主腰輿過班退分南班宗室俟奉迎訖



合差援衛親從官一百人并擡擎腰輿輦官六十人各  
 著儀全乞下皇城司御輦院差撥一乞令奉迎提點  
 所約度奉迎神主到行在月日預報太常寺一奉迎  
 并權安奉合用御封降真香三十七合一合奉迎一十  
十二合奏告一十乞下入內內侍省請降付太常寺  
二合正奉安  
 一城外奉迎合用僧道各五十人并威儀香案麻爐匙  
 合炭火等並乞下臨安府排辦一奉迎日係宰執百  
 官出城奉迎欲休務假一日一合用奉安日辰及定  
 時尅擇官並乞下太史局選定差撥一奉安日依禮  
 例皇帝不視事一合用祝文二十四首述以十二首並  
告奉安之意一十二首  
並述以奉安之意耳  
 乞下學士院修撰書寫進書訖  
 降付太常寺一合差奉安禮儀使一員乞依禮例差

宰執奏告官一員乞依例差太常少卿並降勅前一日  
 赴祠所致齋一依自來五享宗廟禮令係每室用  
 豆各一十二所有今來奉安欲乞依温州行五享禮止例  
八豆  
八豆  
 一合用牲牢禮例係每室用羊豕各一今來  
 欲乞依見今行五享禮例止用羊一十二一合用禮  
 料酒齊幣帛蠟燭燎草上香炭火等乞從太常寺具合  
 用數報臨安府排辦一合差奉安奉禮郎太祝太官  
 令各一員乞降勅差郎官內侍前奏告奉禮郎太祝太  
 官令各一員乞依例下吏部差待次官一合差奉遣  
 神主宮闈令一十二員除本廟官二員外餘一十員乞  
 于入內內侍省差前一日赴祠所致齋一至日依禮  
 例宗室南班官陪位立班乞下大宗正司告報一行



事官合服祭服祇應人合服法服乞從太常寺具教下  
祇候庫閱借一奉安儀注乞從太常修定閱報詔依  
二十七日中書門下省言勘會已降指揮差張銖奉迎  
太廟別廟神主赴行在所奉安其奏告進發合用御書  
祝文及御封香及順祖一室亦合告遷詔祝文令學士  
院修撰進八香令入內內侍省請降仍差內侍一員前  
去候香燭到令張銖選日奏告進發  
三月十六日太廟景靈宮提點奉迎所狀已降指揮奉  
迎太廟別廟神主赴行在所奉安及令選日行走告禮  
畢于同日擇時告遷進發尋勒温州陰陽官選到日時  
奏告宜用三月十二日乙酉吉告遷宜用乙時吉進發  
宜用丁時吉右劄付禮部照會仍將應用排辦事件疾

速施行四月六日宰執進呈太常少卿張銖自温州奉  
望拜于門外即具威儀迎入奉安所上曰俟有司卜日  
奉安畢朕當躬行款謁之禮然國朝故事太廟尚質至  
于帷幄下宗奉宗廟縱不必華亦須粗備孟廣  
奏曰陛下宗奉宗廟縱不必華亦須粗備孟廣

六年八月十二日尚書省言勘會已降詔巡幸所有太  
廟神主禮合迎奉前去詔恭依其合行事件令太常疾  
速條具十六日太常寺言今參酌條具到迎奉合行事  
件一將來車駕進發前一日依禮例係太常寺官詣  
神主前燒香行告遷之禮訖捧遷神主升船沿路係于  
車駕前進發及依自來巡幸迎奉禮例遇朔日係護從  
官詣神主燒香若遇荐享日亦乞依朔日禮例行燒香  
之禮其合用香乞從本寺具合用數閱入內內侍省請  
降依禮例係差太常寺官護從提領今乞朝廷差官



一沿路奉迎神主之儀其日禮生預集長吏以下俟神  
 主船將至再拜訖班首詣香案前措笏三上香訖復位  
 並再拜訖俟前神主前過退奉辭亦如之若值雨降依  
禮例免拜  
 一安奉神主合用座船二隻及護從官座船二隻集隻  
 裝載御封香禮書及禮直官等共用網船一隻並乞指  
 揮所屬差撥護從提領官差太常少卿林季仲餘依  
 十七日太常寺言據太廟奉安所條具合行事件本寺  
 今參酌裁定下項 一乞差安奉神主座船二隻并安  
 載祭器香火等舟船二隻並乞行下兩浙轉運司差撥  
 一本廟見管皇城司親事官五十人殿前司護衛禁  
 軍二十人今乞各添差一百人本寺契勘今來係隨從  
 車駕進發今相度除親事官更不添差外其禁軍乞下

殿前馬步三司貼差三十人通舊作五十人為額  
 一本廟虞主挾室冊寶并重大官物等並留在廟欲乞下  
 皇城司差親事官二十人充看守及守門祇應候回日  
 發遣詔依

二十七日太常寺言今續有合申請事件下項 一今  
 來已降指揮車駕進發日先赴上天竺寺燒香契勘其  
 日迎奉神主于車駕前進發所有應留臨安府治事文  
 武百僚依禮例先次奉辭神主如內有合從天竺寺燒  
 香官趁赴奉辭神主不及乞免趁赴 一迎奉宗廟陞  
 船合用擡擎神主腰輿輦官圍子親從官欲乞下御輦  
 院皇城司各差五十人詔依  
 七年二月九日隨軍都轉運使梁汝嘉言檢會自臨安



府移蹕至平江府體例太廟神主係先一程行今來水陸路頓乞依例施行太常寺言乞契勘昨自臨安府迎奉神主至平江府係車駕前一日進發今來迎奉往建康府合依上件體例前一日行詔依

十九日尚書省言勘會建康府法寶寺及天慶觀見修殿宇祇備奉安神御內法寶寺奉安天章等閣神御天慶觀奉安太廟神主詔恭依

三月二十八日行在禮部太常寺狀據太廟奉安所申勘會迎奉宗廟已至建康府天慶觀奉安今具合行申請事件劄付禮部依所申施行 一欲乞下建康府差禁軍五十人專充潛火祇應 一行宮太廟見有夾室虞主冊寶祝版并腰輿官物欲乞差本所軍兵二人前

去太廟同本廟專知官管押般取令臨安府差撥寬料出江網船一隻裝發前來十二月十一日中書門下省言已降旨來春復幸浙西所有太廟神主合先次進發詔恭依仍令太常寺擇日迎奉十六日尚書省言太史局選到神主進發吉日宜用十二月二十二日巳卯吉又宜十二月二十六日癸未吉詔用十二月二十六日十七日行在太常寺言今月二十六日太廟神主進發今依例比附條具合行事件 一今來迎奉神主詣臨安府本廟安奉 一將來進發日依禮例太常寺官詣神主前燒香行告遷之禮 一依禮例俟到行宮今太常寺報太史局擇日奉安依時舉行祭享 一告遷奉辭奉迎奉安合用香并差援衛親從官輦官僧道並依



例下所屬差撥排辦一迎奉神主自建康府陸路進發至鎮江府沿路合用排辦宿頓幄次欲乞下江東兩浙轉運司行下所至州軍預行計會釘設排辦一迎奉神主依禮例係太常少卿護從前去合用印記乞申禮部閱借奉使印一面仍免月申其本寺印記令權博士王言恭收掌行使一迎奉神主本寺少卿合用三百料座船一隻并裝載御封香禮神真玉祝版禮書法物案牘等三百料船三隻並乞下江東路轉運司差撥詔依

二十一日禮部太常寺言太廟神主先次進發今參酌條具到合行事件一俟奉迎神主將至行宮留守率文武百僚依禮例出城奉迎神主及俟降船南班宗室

騎導太常少卿後從升殿燒香權奉安並如儀一乞令行在太常寺太廟奉安所約度奉迎神主列行宮月日預報行宮本寺以憑閱報所屬排辦及差撥衛親從親事官輦官僧道及奉迎日依例作體務假一日詔依十二月三十日行宮禮部太常寺言已降指揮神主降船去處于北倉南河次今來竊慮旋行修蓋席屋別致勞費兼恐值雨不便今踏逐到城外稅亭降船依詔

二十八日禮部太常寺言太廟神主先次進發所有權奉安奏告及正奉安合用御香祝文幣帛禮料酒齊并羊一十二邊豆各八及奉安日皇帝不視事并行禮儀注行事等官祭服法依差尅擇官等欲乞並依紹興五年二月二十二日自温州迎奉赴行在已降指揮禮例施行所有合差奏告行事等官并奉安禮儀使奉禮郎



太祝太官令乞依例降勅差官及下吏部等處差官詔  
依  
三十日太常寺言太廟神主先次進發今契勘進發至  
行宮留守率文武百官于城外燒香奉迎並服吉服勘  
會騎導神主宗室并陪位奏告奉安行事官禮儀使以  
下即未有合載所服今檢會永定陵故事未除服前祭  
告祠祀行事官權改告服禮畢如故今來欲乞依故事  
施行詔依

中興禮書第九十五卷

吉禮九十五

前修蓋太廟別廟

紹興三年十月二十七日權太常少卿太廟景靈宮提  
點江端友言天子之居豈可無宗廟社稷禮曰君子將  
營宮室宗廟為先今宮室畧備宗廟豈可簡而不修今  
乞于臨安府行宮門內修創太廟詔依

五年二月十二日尚書省劄子已降指揮差張銖奉迎  
太廟神主前來行在仍委梁汝嘉雅飾同文館權充太  
廟奉安竊慮非脫迎到來劄付太常寺與禮部同共條  
具合行禮例申尚書省  
十五日權知臨安府梁汝嘉言契勘本府同文館當來



起造倉猝材植細小間加窄狹難以充太廟奉安昨曾  
踏逐南倉空地若以蓋造太廟委是穩便兼四向地步  
闊遠可以限隔火燭詔依令臨安府修蓋瓦屋一十間  
權充太廟奉安  
十七日詔蓋太廟令臨安府隨宜不得過興工役候移  
蹕日依舊充本府使用  
閏二月二十一日太常少卿陳楠等劄子臨安府申備  
奉聖旨修蓋瓦屋一十間權充奉安神主除已修蓋外  
所有殿室制度伏望下太常寺差通曉奉安制度之外  
前來指說本寺差使臣禮直官前去指說內有未應制  
度去處除遵依已降指揮不敢申請別興工役外乞于  
已計料間例內那融依下項權宜修蓋伏候指揮劄子

下臨安府依所乞施行  
一依廟制合設四神門外更  
置櫺星門二重今來止修立櫺星門即未有神門欲乞  
將西壁屋五間內那三間修作南神門餘二間依舊  
一殿東壁欲于牆內開小便門常日鑰閉至行事遇陰  
雨許行事官經由四門入出并東側階行禮及修砌班  
路并東西側階  
一將見修南櫺星門却乞依于移東  
櫺星門地步修立  
七年四月二日三省言近奉神主已到建康府所有太  
廟殿宇合行修建詔令守臣限一月修蓋其臨安府太  
廟殿宇可賜本府充聖祖殿  
五月六日禮部太常寺言准批下太常博士黃積厚劄  
子契勘將來明堂大禮前一日車駕朝享太廟其合鋪



設祭器尊登歌大樂安奉神幄宮闈令荐香燈官遷納  
道路車駕行禮位褥位供祠執事內侍前導官應奉人  
往來班路并行事執事官立班實用西長一十三丈一  
尺南北深七丈一尺畫到圖本申納朝廷蒙下禮部看  
詳即難以更行裁減已劄下建康府修蓋續承勅知建  
康府華宗諤等劄子乞依昨本府舊太廟殿基間例修  
蓋更添造二間本寺尋行取會到建康府稱所蓋殿係  
東西共通闊一十二丈四尺南北共深四丈八尺即于  
本寺圖本東西少七尺南北少二丈三尺契勘所蓋丈  
尺並有妨行禮後批送禮部同太常寺知建康府張澄  
江東運副俞俟檢計的確間架丈尺畫圖繳申尋于今  
月二日同共商議到所修太廟殿宇的確合用九間東

西闊一十三丈南北深六丈若依此修蓋將來行禮別  
無妨礙太常寺供到狀勘會元申修蓋太廟丈尺係依  
儀次第鋪設祭器大樂等并行禮路累行裁減東西實  
用長一十三尺南北深六丈今來建康府若止遵依已  
降指揮修蓋東西通闊一十二丈四尺係少六尺南北  
共深四丈八尺係少一丈二尺若為難得長丈材植修  
修蓋只于殿前簷當中接出一丈二尺隨宜安設登歌  
樂東西約用三丈所有東西所設祭器等見闊六尺將  
來委是難以依儀鋪設祭器若就地步趨那鋪設別無  
妨礙詔依

十年正月八日知臨安府張澄言准省劄太常少卿蘇  
携等劄子將來大禮前一日車駕合詣太廟行禮緣今



太廟殿室東西止闊七丈二尺南北止深三丈一尺比  
之建康府所修殿東西少五丈二尺南北止深少二丈  
九尺奉聖旨令臨安府相度措置本府今相度于太廟  
殿兩次間各添展一間各濶二丈一尺通本殿身共七  
間及于殿身前簷五間各添插一椽高一丈五尺并于  
殿後將新添二間與舊殿屋五間共七間各更添插兩  
椽通闊一十二丈四尺深六丈其後面兩稍間轉角高  
與舊屋難以一平微顯兩重簷槽用護縫板纏釘接殿  
椽遮影造作即依得建康府太廟殿室地步丈尺若蒙  
朝廷依今來相度到事理欲權就初獻廳奉安神主候  
修造了日依舊其合行典禮伏乞下禮部太常寺討論  
并太史局擇日施行詔依

七月十二日禮部太常寺言依已降指揮令臨安府添  
展太廟殿室權告遷祖宗神主就初獻廳權奉安神主  
畢工却合告遷祖宗神主還殿室行正奉安神主時前奏  
告告遷行禮所有合行事件並乞依紹興七年禮例開  
報所屬差辦施行自後凡遇修整雅飾等奏告遷奉  
除牲牢每室各用羊一豕一外其  
請降香祝差官差辦人物等並檢照逐次條例申請

十二年五月九日權禮部侍郎施垌等言檢會大觀二  
年顯恭皇后故事于大殿後修建別廟殿室奉安神主  
并修齋舍神厨等所有將來大行皇后係懿節神主祔  
廟合依顯恭皇后禮例于別廟奉安神主乞令太常寺  
官同臨安府知通于見今太廟殿室之後相度修建施  
行詔依



二十六日禮部太常寺言乞已降指揮太常寺官同臨安府官相視到下項一乞于太廟北牆外展套地步九丈修建別廟殿室三間一別廟禮例合置神厨齋舍遇祭身差行事官合用大樂緣今來太廟別無地步欲就用太廟神厨齋舍其合室登歌樂并所差行事官乞從太常寺隨宜措置條具申請施行詔依

十六年四月二十二日禮部太常寺言今討論太廟既增邊豆簋簋倍于舊數見今正廟七間通設祖宗神主至于安設禮器地步狹窄今相視西向牆內有地一十餘丈欲從西增建六間通一十三間為十一室東西兩間為夾室以稱嚴奉兼見今太廟未有東西廊室屋欲乞增蓋廊廡及西神門以應廟制詔依令兩浙轉運司

添修

至

四

月

二十五

日

禮部

太常寺

言

兩浙

五月九日禮部太常寺言兩浙轉運副使吳垌等劄子備奉聖旨指揮添展太廟今相視舊殿經隔累年揆插不齊難任久遠欲增添修新木直建一十三間與兩廟相湊事後批送禮部太常寺看詳今契勘在京廟制每室東設戶西設牖西牆作柘室藏祖宗帝后神主又有東西夾室其夾室止設戶見今行在太廟係隨宜修蓋未曾安室柘室今既創行修蓋即合體做在京廟制同殿異室修蓋及將殿東西作兩夾室其兩夾室止合設戶一十一室依廟制設戶牖其殿南北深七丈每室于西壁從北以南一丈二尺作厚牆隨宜安設柘室其西夾亦合室柘室藏順祖室神主并逐室柘室合用金釘



朱戶黑漆跌座乞一就製造施行詔依

十五日禮部太常寺言兩浙轉運司申奉旨增修太廟  
所有創蓋祭器庫屋五間及撥移妨礙冊寶殿三間未  
有地步契勘得省倉屋三間東西濶九丈南北長一十  
大正在太廟地步北壁中若行展套可以隨宜修蓋其  
妨礙倉屋等處合行折移修展乞下禮部太常寺同共  
相度施行後批送禮部同太常寺看詳今看詳欲依兩  
浙轉運司所申展套倉屋乞行下戶部照會起折應副  
并審度除合展套西南角見今牆外行路二丈充行事  
官隨宜過往道路外有力斜照直妨礙近北東西二丈  
五尺不須展套可以隨宜撥移修蓋神厨等屋詔依  
二十年四月二十五日禮部太常寺言據幹辦太廟兼

主管別廟李肖等劄子近因霖雨點檢得大殿柱脚向  
東走起諸室內外廊廡兩山壁各有津漏損爛去處伏  
望申明朝廷施行尋牒委太社今韓彥直相視委如肖  
言勘會今來翻尾整葺太廟殿室例禮例合擇日奏告  
告遷神主權行奉安伏乞朝廷速賜指揮行下兩浙轉  
運司疾速如法翻尾整葺施行詔依用五月二十三日  
宗帝后神主于初獻廳權奉安至七月十五日翻尾整  
葺畢工用七月二十四日戊戌奏告告遷祖宗帝后神  
主遷殿室止奉安

七月二十一日禮部太常寺言已降指揮翻尾整葺太  
廟殿室權告遷祖宗神主就初獻廳權奉安今已修整  
了畢合告遷祖宗神主還殿室正行奉安之禮并合時  
前奏告告遷行禮詔依其請降香祝合用幣帛羊豕酒  
料酒齊幕次等及差奉禮郎等



官并差撥授衛親從官擡擊腰輿華官定時尅擇官等  
並如逐次奏告告遷奉安之制以後或遇大禮修飾等  
奏告告遷奉安並做此

三十一年十一月二十四日禮部太常寺言恭文順德  
仁孝皇帝祔廟當遵本朝已行典故遷翼祖而祔欽宗  
今翼祖當遷于夾室其殿宇不更須增展止合依位序  
遷于諸室內修置祔室詔恭依

三十二年正月三日行在尚書省閔行宮禮部太常寺  
言勘會恭文順德仁孝皇帝祔廟權告遷祖宗帝后神  
主就齋廳權奉奉安將來修奉祔室畢合告遷還殿室  
正行奉安并時前奏告告遷行禮今參酌禮例比附條  
具到合行事件 一告遷祖宗帝后神主還正殿當遷  
翼祖皇帝簡穆皇后詣夾室順祖皇帝惠明皇后祔室

之次安奉今來室內合排設祭器等緣夾室內狹窄今  
欲乞將翼祖室神主就外殿隨宜南設釘室設幄次遷  
出神主以俟行禮及日後遇有非泛奏告等亦乞依此  
施行 一奉安并時前奏告合用御封降真香二十五  
合正奉安一合時前奏告別廟處 乞令行在太常寺下  
入內內侍省請降 一奉安并時前奏告合用祝文二  
十五首一十二首並述以時前奏告及遷翼祖于夾室之意  
迎奉一首奏告別廟懿節皇后述以太廟修整祔室畢工  
並乞下行在學士院修撰 一奉安及奏請合差禮儀  
使一員乞依禮例降勅差宗室南班觀察使以上充時  
前奏告及奏請告遷合差奏告官一員乞依禮例降勅  
差太常寺官充並前一日赴太廟齋舍致齋 一行禮



儀注乞從行宮太常寺修定報關合用日時乞下行宮

太史局選定及差尅擇官一員前一日太廟祇應詔依

選定正月九日丙子奏告告遷祖宗神主還殿室正奉

安畢次選用閏三月十一日戊寅欽宗皇帝神主附廟

九月十一日禮部太常寺言勘會已降指揮故妃郭氏

追冊為皇后係安穆今檢准章懷皇后并懿節皇后禮

例祭于別廟今來別廟殿宇一座見奉安懿節皇后神

主將來追冊皇后附廟後每遇荐享等行禮委寔窄隘

欲乞令禮官同兩浙轉運使相視增修分為二室以西

為上各置戶牖奉安懿節皇后及追冊皇后神主并擇

載本廟齋廳權行奉安懿節皇后神主候畢工日告遷

還殿詔依選用九月二十九日壬戌告遷懿節皇后神

主于齋廳權安奉至十二月十日增修別廟

畢工用十三日巳丑安穆皇后神主附享畢安于別廟

十一月十六日權工部侍郎兼權太常少卿王普言謹

按春秋公羊說曰主藏廟室西壁中以備火災左氏說

曰主祔于宗廟言廟有祔室以藏神主漢儀藏主于西

牆壁坳中去地六尺一寸蓋坳即祔室也非特備災亦

神道尚幽之義然則古者廟必有主主必有祔鄭原繁

曰先君成公命我先人典司宗祔此諸侯廟主之祔也

衛孔悝使式車及祔于西圃此大夫廟主之祔也開寶

通禮別廟時享孝明孝惠皇后享日宮闈令入室開坳

奉出神主置于座政和五禮時享別廟儀享日祠祭官

贊奉神主宮闈令于祔室內奉惠恭皇后神主于神幄

啟匱設于座至送神樂止祠祭官贊奉神主入祔室宮

闈令納神主于匱捧入祔室然則本朝國故事別廟後



亦有祔室自藝祖至于徽宗未之有改也昨紹興五年  
祖宗帝后神主至自温州始建太廟纔為屋五間後稍  
增至七間皆有殿而無室但置神主并匱于案上以帳  
幃之每遇祭享則就案啟匱而荐獻于前其草創如此  
十二年祔懿節皇后乃建別廟亦如太廟之草創也十  
六年新造禮器告成詔增籩豆簋簠之數悉依典禮而  
太廟殿上迫狹不能容之于是始作新廟凡十三間除  
東西夾之外為十一室各開戶牖安祔室于西牆畧做  
京師廟制唯別廟一位祭器不多遂且仍舊以至於今  
此有司因循之過爾初無說也茲者追冊皇后將祔于  
懿節之次既修別廟分為兩室當各置祔室如畧累朝  
故事庶幾二后神靈得安其居欲望朝廷特賜敷奏施

行詔依

乾道三年七月二日禮部太常寺言勘會今來大行皇

后

係安恭

上仙依昨來安穆皇后禮例祭于別廟今來

別廟殿宇見奉安懿節皇后并安穆皇后神主係一殿

兩室所有將來大行皇后神主祔廟依典故合同殿異

室欲乞令禮官同兩浙轉運使司官相視增修別廟為

三室各置戶牖以西為上於安穆皇后之次所有沿室

法物等欲令乞工部下文思院製造及令兩浙轉運司

擬截太廟齋廳權行安奉懿節皇后安穆皇后神主候

畢工日告遷還殿詔依

選用七月二十一日丙辰告遷

廳權奉安至七月十二日增修別廟畢工用十一月八日癸未告遷還殿室正奉安畢用閏七月二十一日丙戌安恭皇后神主祔享畢奉于別廟



奏告告遷奉安行禮儀

凡遇修整雅飾太廟別廟並遵用此儀制

奏告儀

其日五更有司排辦香幣贊者引太官令升殿入實酒  
脯等次引光祿卿升殿監視訖奏告官以下各服祭服  
祠祭官引宮闈令詣殿下北向再拜訖升殿上之東西  
向立次贊者引奉禮郎太祝太官令詣殿下北向立次  
禮直官引奏告官詣殿下之東階之東西向立祠祭官  
于殿上贊奉神主宮闈令奉遷神主祠祭官殿上贊奉  
神主訖禮直官贊有司謹具請行事贊者曰拜在位者  
官皆再拜訖次引奉禮郎升殿詣僖祖室香案前西向  
立次太祝于殿上之東西向立太官令于酒尊所北向  
立禮直官引奏告官詣盥洗位北向立搢笏盥手帨手

執笏升詣僖祖室香案前搢笏上香再上香三上香跪  
奉禮郎搢笏跪奉幣奏告官受幣奠幣執笏俛伏興再  
拜訖奉禮郎執笏興先詣順祖室西向立奏告官次詣  
順祖室翼祖室宣祖室太祖室太宗室真宗室仁宗室  
英宗室神宗室哲宗室徽宗室欽宗室次詣別廟懿節  
皇后室安穆皇后室安恭皇后室行禮並如上儀訖引  
奏告官降階復位少立次引太祝詣僖祖室東向立引  
奏告官再詣盥洗位北向立搢笏盥手帨手執笏詣爵  
洗位北向立搢笏洗爵拭爵以授執事者執笏升殿詣  
僖祖室酒尊所西向搢笏跪執爵俟太官令搢笏跪酌  
酒訖以爵授執事者執笏興太官令執笏興先詣順祖  
室酒尊所北向立奏告官入詣僖祖室香案前北向進




跪執爵三祭酒于茅苴奠爵執笏俛伏興先詣順祖室  
奏告官再拜訖次詣諸室酌獻行禮並如上儀訖降階  
復位立祠祭官于殿上贊奉神主入室宮闈令奉神主  
入室訖祠祭官于殿贊奉神主入室訖引奏告詣望瘞  
位北向立贊者引奉禮郎以下重行立定禮直官曰可  
瘞俟有司瘞幣宮闈令監視訖班退祝版藏于匱

### 告遷儀

其日時前儀衛親從官輦官于權安奉殿前排立訖祠  
祭官引宮闈令詣殿上之東西南立禮直官引禮儀使  
禮直官贊者引前導宗室詣殿下北向立禮儀使并前導宗室並常  
服立禮直官揖躬拜在位官皆再拜訖引禮儀使前導宗室詣殿下各  
分東西告遷時將至禮直官引告遷官詣殿上東西向  
對立

立俟冠擇官報時及次引告遷官詣殿上當中褥位北  
向俛伏跪奏稱告遷官臣某言請祖宗帝后神主降座  
升輿還殿室奏訖伏興引告遷官退于殿上之東西向  
立別廟祠祭官引宮闈令一員詣殿輦官擊腰輿升殿  
退次引宮闈令捧遷祖宗帝后神主升腰輿訖次輦官  
升殿捧擎以次進行以次別廟行詣別廟輦官捧遷神主  
廟之告遷官後禮儀使并宗室前導儀衛迎行出齋殿  
門由南神門至殿奏階下北向少駐引告遷官詣輿前  
南向俛伏跪奏稱告遷官臣某言請祖宗帝后神主降  
輿升殿側座權奉安奏訖俛伏興升殿上之東西向立  
次引禮儀使并前導宗室詣殿下北向立俟輦官捧腰  
輿升殿詣逐室前置定輦官降西階于西階之西東向





原件短缺



立闈宮令奉遷祖宗帝后神主于神幄內西南向側座  
訖次輦官升殿捧擎腰輿降階告遷官退前導禮儀使  
并宗室權退歸幕次輦官先退儀衛親從事官以次退

奉安儀

其日時前有司排辦香幣次輦官引太官令升殿入實  
牲體禮料酒齋等次引光祿卿升殿監視訖俟時將至  
祠祭官引宮闈令詣殿下北向再拜訖升殿西向立禮  
儀使以下各服祭服贊者引奉禮郎太祝太官令禮直  
官引贊者分別陪位宗室服常服各于殿下就位北向立  
禮直官令禮儀使殿上當中褥位西向立俟尅擇官報  
時及引禮儀使殿上當中褥位俛伏跪奏稱禮儀使臣  
某言請祖宗帝后神主升正座奉安奏訖伏興退復位

西向立祠祭官引宮闈令奉遷升正座訖引禮儀使降


階詣殿東階下之東西向立

別廟宮闈令詣殿上當中  
奏請及遷神主升正座並

如上儀祠祭官于殿上贊奉神主訖禮直官贊有司謹具

請行事贊者曰拜在位官皆再拜訖引奉禮部郎升殿  
詣僖祖室香案前西向立太祝于殿上之東西向立太  
令于酒尊所北向立引禮儀使詣盥洗位北向立搯笏  
盥手俛手執笏升殿入詣僖祖室香案前搯笏上香再  
上香三上香跪奉禮郎搯笏跪奉幣禮儀使受幣奠幣  
訖執笏俛伏興奉禮郎執笏興先詣順祖室西向立禮  
儀出戶外再拜訖次詣順祖室翼祖室宣祖室太祖室  
太宗室真宗室仁宗室英宗室神宗室哲宗室徽宗室  
欽宗室次詣別廟懿節皇后室安穆皇后室安恭皇后





原件短缺

卷 96-98



室上香奠幣行禮並如上儀訖禮儀使降階復位少立引太祝詣僖祖室東向立次禮儀使再詣盥洗位北向立搯笏盥手悅手執笏詣爵洗位北向立搯笏洗爵拭爵訖以爵授執事者執笏升殿詣僖祖室酒尊所西向搯笏跪執爵太官令搯笏跪酌酒禮儀使以爵授執事者執笏興太官令執笏興先詣順祖室酒尊所北向立禮儀使入詣僖祖室香案前北向搯笏跪執爵三祭酒于茅苴奠爵執笏俛伏興出戶外少立俟太祝讀祝文畢禮儀使再拜次詣逐室奠酒讀祝並如上儀退降階復位立祠祭官贊奉神主入柘室次宮闈令奉神主入柘室訖祠祭官贊奉神主入柘室訖次引禮儀使以下詣望瘞位俟瘞幣訖班退陪位宗室以次退

中興禮書第九十九卷

吉禮九十九

祫饗太廟三

淳熙元年五月二十六日

七廟異宮則太祖常尊後世七廟同堂唯祫饗則太祖東向始得一正太祖之尊倘祫饗又不得東向則開基之祖無時而尊矣乃者紹興五年董茶建議乞正藝祖東向之尊繼而王普復為之請當時集議如孫近李光而下皆以其議悉合于禮藝祖東向無疑乞行釐正時臣叔父渙任將軍監丞因陛對奏陳甚力據引詩書正文乞酌漢太公立廟萬年南頓君立廟章陵事別建一廟安奉僖順翼宣四祖禘祫烝嘗並行特祀而太祖皇



帝神主自宜正位東向則受命之祖不屈其尊遠祖神  
靈永有常奉光堯皇帝深以為然即擢弁為侍從渙為  
御史是時趙鼎為諫議大夫以議不已出為恥倡邪說  
以害正論然亦不敢以太祖東向為非不過謂徽宗在  
遠宗廟之事未當專議以此宣言脅制議者而欲禘饗  
虛東向其言大率不經今稽之六經禮典三代之制定  
藝祖為受命之祖則三年一禘當藝祖東向始尊開基  
創業之祖其太祖常享則奉藝祖居第一室永為不祧  
之祖若漢之高祖其次奉太宗居第二室而永為不祧  
宗若周文武若僖順翼宣追崇之祖一稽典禮親盡而  
祧四祖神主別議遷祔之所則臣亦嘗考之祔於德明  
興聖之廟唐制也立太公南頓君別廟漢制也前日王

普既用德明興聖之說而欲祔于景靈天興殿朱震欲  
乞藏于夾室今若酌三代兩漢別廟之制取唐陳京之  
說或別創一廟為四祖之廟若欲事省而禮當或祔天  
興殿或祧藏太廟西夾室每遇禘享則四祖就夾室之  
前別設一幄而太祖東向皆不相妨所有舊時集議廟  
制臣悉加銓次繕寫成兩冊繳進貼黃稱臣治平四年  
從張方平等議僖祖當祧合于禮典三月祧遷藏西夾  
室熙寧五年王安石變亂祖宗法度陰使章衡等建議  
請復祔僖祖為太廟始祖推以配天欲配太祖郊配韓  
維孫固梁燾盧士宗司馬光皆以為藝祖受命開基為  
宋始祖郊配無疑僖祖當祧不可配天抗疏力爭安石  
主其邪說愈堅孫固慮其罷藝祖配天也建議以僖祖



權居東向之位以塞配天之請既曰權居則當釐正明  
 矣詔可令禮部太常寺討論國禮部太常寺討論今檢照  
 平四年三月以英宗附廟正月復遷禧祖神主為太廟奉藏  
 于夾室至熙寧五年十一月復遷禧祖神主為太廟奉藏  
 二祖乃桃順二月以元祐宗附廟正月復遷禧祖神主為太廟奉藏  
 立九廟遂復翼祖宣宗附廟之祀紹興二十二年四月以欽宗  
 廟復桃翼祖復翼祖謂本朝廟之制經列聖斟酌裁定最為得  
 禮之中如高祖一本時契其以源遠漢經秦滅學之後禮  
 文殘缺如商周祖一本時契其以源遠漢經秦滅學之後禮  
 亦寔為淺近周本朝藝祖之意治平廟制行七廟之制嘗桃  
 廟至熙寧則尊祖復禧祖之意既桃翼宣二廟則順祖蓋亦推  
 原而正藝祖復翼祖之至紹興五年取董漢魏晉而不議唐制  
 廟正而正藝祖復翼祖之至紹興五年取董漢魏晉而不議唐制  
 來臣僚所請蓋用并晉之說契獨不事大體禧祖未易  
 輕議更改如元祐嘗損益熙寧之政雖羣臣曾有廟議而  
 始祖之事紹興禮曰凡祀有廢之莫敢舉也厚已舉  
 其說終不取行禮曰凡祀有廢之莫敢舉也厚已舉  
 之莫敢廢也謂如神不可既復也又廢而舉猶不失其舉  
 而廢斯為薄矣如藝祖既復也又廢而舉猶不失其舉

僖祖已立為始祖則永對酌之輕之廟無不適當其情世  
 比本朝廟制大畧則唐對酌之輕之廟無不適當其情世  
 父也陳京建景帝正東別廟願真卿韓愈則景帝之祖  
 之禮二臣精識以非陳京至西所享昭穆序卑推以  
 太祖在東向之位以藝祖開基創始功德威享之故時郊  
 推太祖尊卑序昭穆無不推為始祖但祫享之故時郊  
 向辨尊卑序昭穆無不推為始祖但祫享之故時郊  
 孫設位尊卑序昭穆無不推為始祖但祫享之故時郊  
 聖行先太父食如東向之臣僚所請若別設位一幄所尊卑  
 序神靈是使有四所不安得如食設四廟若別設位一幄所  
 聖故神靈是使有四所不安得如食設四廟若別設位一幄所  
 宗廟乞神靈安妥行禮既久中外人寧論係國之議寔不  
 輕欲廟乞神靈安妥行禮既久中外人寧論係國之議寔不  
 權禮部侍郎戴幾先已具奏有司止遵教陳是行禮部  
 常寺討論狀不戴幾先已具奏有司止遵教陳是行禮部  
 禮行

禘饗

紹興二十三年二月十九日禮部狀准都省批下大理







中禮興禮書第一百卷

吉禮一百

祫饗太廟四

配饗功臣

景靈公繪像

紹興十八年二月二十三日臣僚言臣竊維自昔帝王之盛必有佐命勲勞之臣一德一心功在王室或祀于太常或銘于彝鼎侑食清廟以為萬世臣子之勸國家遠稽三代肇建原廟凡是佐命配饗與夫當時輔弼勲勞之臣繪像于廟庭以示不忘崇德報功之意恭惟陛下紹開中興光復帝業首崇原廟如祖宗之制然當時輔弼勲勞之家恐歲月寢遠未易尋訪如累朝佐命配



饗之臣不過十餘人今之臣僚與其家之子孫必有存其繪像者臣愚欲望聖慈明詔有司尋復摹于景靈宮庭之壁非獨假寵諸臣之子孫所以尊崇祖宗之德業以為臣子之勸詔令禮部討論措置申尚書省

五月八日禮部言已降指揮尋訪累朝佐命配饗之臣復摹於景靈宮庭之壁本部今討論措置欲依臣僚所乞從太常寺報進奏院行下諸路轉運使下逐路所管州等處尋訪配饗功臣之家韓王趙普周王曹彬太師薛居正太師石熙載鄭王潘美太師李沆太師王旦太師李繼隆太師王曾太師呂夷簡侍中曹偉司徒韓琦太師曾公亮太師富弼太師司馬光太師韓忠彥令各家繪畫貌像投納轉司繳申禮部行下太常寺收管候

數足日令臨安府措置依畫到貌像於景靈宮庭壁繪畫詔依

十九年九月八日禮部太常寺言勘會先次措置繪畫已到功臣貌像依禮例合擇日奏告天興殿聖祖天尊大帝並中殿祖宗諸帝神御合用日辰據太史局申用九月十五日甲午吉詔依

十二日禮部太常寺言已降指揮尋訪配饗功臣貌像於景靈宮庭壁繪畫今承指揮先次繪畫已到功臣貌像止空石熙載一位候尋訪到日補畫契勘見今景靈宮與在京殿分不同今來合于中殿祖宗神御殿前兩壁繪畫欲於東壁畫韓王趙普周王曹彬太師薛居正太師石熙載鄭王潘美太師李沆太師王旦太師李繼



隆西壁合畫太師王曾太師呂夷簡侍中曹偉司徒韓琦太師曾公亮太師富弼太師司馬光太師韓忠彥今具合申請事件 一配饗功臣逐處申繳到內有服朝服服常服者所服不一緣在京景靈宮繪畫功臣並係服公服穿執兼見今中殿諸帝神御並係履袍今來繪畫配饗功臣欲依在京禮例並常服繪畫 一合用御封降真香十一合乞下入內內侍省請降 一合用青詞祝文各一首天興殿用青詞中殿用祝文並述以中殿前并脩廊壁及繪畫配饗配功臣奏告之 乞下學士院修撰進書 一合用蒼幣一段長八尺小乞下左藏庫支供 一奏告天興殿聖祖天尊大帝並奏告中殿祖宗諸帝神御合差奏告官各一員並乞依禮例降勅差侍從官二員充前一日赴景靈宮宿

齋內一員於前殿聖祖天尊大帝位前行禮一奏告天興殿聖祖天尊大帝合差奉禮郎太祝太官令各一員並奏告祖宗諸帝神御合差太祝一員並乞依見今祀祭禮例差官前一日早赴景靈宮宿齋 一天興殿聖祖天尊大帝一位合用鵝梨法醬法酒並中殿祖宗諸帝神御九位每位合用茶酒菓蠟燭上香炭火燎草拜席褥等依禮例下臨安府排辦其炭火燈燭仍乞下景靈宮照會放入存留供應詔依

太廟位版

紹興八年三月十七日刑部尚書胡交修翰林學士知制誥朱震御史中丞周林戶部侍郎梁汝嘉工部侍郎趙鼎給事中胡世將中書舍人張燾權戶部侍郎王侯權



禮部侍郎吳表臣權禮部侍郎陳公輔起居郎權中書  
舍人麥炤奏奉旨令侍從官詳議徽宗皇帝祔廟配饗  
功臣臣等伏以徽宗皇帝在位二十有六年席威大之  
時色富有之業虛中屈體以來天下之英聚精會神以  
成天下之務用能上下一心同底于道于時輔相有故  
左光祿大夫尚書左僕射兼門下侍郎贈太師魏國公  
謚文定韓忠彥明允篤誠公忠亮達致位上宰無愧前  
人建中之初左右厥辟招徠俊乂列于庶位除苛解撓  
厥功茂焉雖居位日淺而始終無疵允所謂以道事君  
者歟伏請配饗臣等謹議詔依令學士院降詔先是禮  
吳表臣言自祖宗以來推擇將臣相臣始終有令德者  
以配食列聖恭惟道君皇帝道恢在宥德合高明統宸  
望御極二十有六載天下歸仁焉弼亮之賢固有其人矣  
望命官詳議取當時輔佐厚德重望為天下公論所屬

者用清祐序于大炤有旨令  
侍從官詳議故有是詔者

二十三日詔曰門下古之有功于國者書於大常祭於  
大炤凡與饗於先王則司勳詔之所以彰善於無窮也  
故在左光祿大夫尚書左僕射兼門下侍郎贈太師魏  
國公謚文定韓忠彥純誠端亮終始如一德業之威不  
忝前人建中之初入踐冢司損益施設成天下之務開  
不諱之門塞私邪之路選賢任能各當其職一時忠鯁  
之士遂能擊強禦凶所向摧折當乎人心後世賴之以  
克有濟朕覽舊史慨然嘉歎允所謂世濟其美不隕其  
名者也夫善建者其擇必遠厚施者所報必隆其以忠  
彥配饗徽宗皇帝廟庭

二十七年六月二十三日禮部言臣僚劄子奏臣聞者



盤庚之告在位曰茲予大饗於先王爾祖其從與享之  
周官司勳曰凡有功者銘書于王之太常祭于大烝則  
功臣配享配祭清廟從古以然矣伏讀咸平詔書命太  
常禮院定配享功臣禘祫之日祀儀有司具設幄次位  
版與籩豆簠簋之制則配享功臣預祖宗祫享之禮亦  
已久矣國家三年一祫係祖宗合食大典廟制已定典  
禮備詳依儀合設七祀並配享功臣緣昨來禮寺初議  
宗廟五享之禮隨宜參酌務從簡省以祀祭天地從祀  
並未舉行乞權設七祀配享功臣位今三歲親郊從祀  
悉已舉行而有司不時討論每遇祫享循例申請功臣  
配祀久廢不講遂使歷代功臣藻繪形容徒列太室之  
庭弗預太烝之祭誠為闕典仰惟陛下撫重熙之運篤

奉先之孝郊廟禮文墜典咸舉今年孟冬適當祫享之  
歲臣愚欲望聖慈舉行咸平詔書所有七祀並配享功  
臣前詔禮官講求舊典以祫享之日依儀排設俾預精  
純之薦庶幾上慰祖宗之靈下為忠義之勸其自今後  
應冬饗則設配享功臣臘享則設七祀亦乞遵依舊制  
施行詔令禮部看詳尋行下太常寺勘會今來臣僚陳  
請祫享合設七祀配享功臣及冬享設配享功臣臘享  
設七祀依得政和五禮新儀欲依臣僚所請其合設位  
次及差禮官行事並合用牲牢祝文禮料酒齋等乞依  
祠祭禮例報所屬差官排辦詔依是歲十月二日祫享  
太廟始設七祀及功

臣位

隆興二年十月十六日禮部太常寺言太廟配享功臣



其神位版書官封姓名內仁宗皇帝廟庭配享功臣侍  
中曹從韋犯皇帝御舊名檢照紹興文書令御名正字  
皆避之若書籍及傳錄舊事者為字不成今曹侍中名  
犯御舊名所設位版欲比附上件傳錄舊事為字不成  
條令重別雕造並景靈宮繪畫配享功臣內題寫曹侍  
中名亦乞令本所重別題寫詔依

乾道五年九月十三日太常少卿林栗丞陳損博士龔  
滂主簿馮仲夷劄子契勘今歲孟冬祫享在近所有徽  
宗皇帝廟庭配享臣僚尚歷其位恭惟欽宗皇帝仁孝  
天稟遭值額運艱難求濟莫救淪胥當時臣僚罕可稱  
述而以身殉國名節暴著者迺有其人太上皇受命中  
興伏節死義之臣不為無助雖其生前官品不應配享

之科然事變非常難拘定制因循九載欲望敷陳奏特  
降明詔令侍從臺諫集義以聞詔依

十九日吏部尚書汪應辰奏臣謹按周禮司勳凡有功  
者銘書於王之太常祭于太烝蓋以其有功特褒異之  
以示勸也本朝一祖七宗皆以宰輔配享名寔俱稱人  
無間言恭惟欽宗皇帝遭時艱難其所圖任共政之臣  
皆未有能稱其任者非常之變自古所無今若欲應故  
事苟令備數必無以厭愜公論上非所以尊宗廟下非  
所以勸有功至于當時死事之臣前後非一建炎以後  
皆以次第輕重有所取舍尤不可以輕易昔唐文宗武  
帝宣宗皆無配享功臣蓋配享之意主於勸功司勳掌  
之而名曰功臣其意可見非宗廟之禮必待此而後備



也伏見本朝建閣立名以寶藏御集獨太祖英宗兩朝  
即無御集閣亦不建蓋雖崇奉祖宗然必審其寔必當  
于理不虛尚文飾以強塞人情而已臣竊謂欽宗配享  
功臣無其人則當闕之既合于周禮司勳之義又有唐  
故事又有本朝建閣體例伏乞聖慈特降指揮令更不  
集義貼黃稱臣伏見治平二年詔議濮安懿王典禮元  
祐八年詔議郊祀尋有指揮罷議蓋或議或罷惟其事  
之可否而已詔依

中興禮書第一百一卷

吉禮一百一

時饗太廟別廟一

有司行事建炎四年十月四日權太常少卿鄭士彥奉  
詔差護從宗廟神主迎奉往温州奉安為禮器未備每  
遇月朔五饗權用酒脯行禮及乞令本州疾速添修合  
用禮器候齊足日依在洪州禮例用牲牢禮料行禮及  
契勘自來宗廟行禮係監察御史一員詣廟檢察今來  
温州奉安即未有官檢察欲就令護從神主太常少卿  
檢察所貴崇奉宗廟行禮嚴肅詔依

紹興元年四月十六日行在禮部太常寺言大行隆祐  
皇太后崩檢准禮例唯祭天地社稷及諸大祠其太廟



及中祠並權停候攢宮畢日仍舊詔依  
二年十月十二日禮部太常寺言准都省批下神主神  
御提點所狀勘會今來孟冬禋饗太廟禋饗後已選日  
時亨竊以禮有隆殺因時為之制祭不欲數數則煩歷  
代之祭或當禋之月減時祭或緣禘禘禘時饗暫停本朝  
遇郊祀亦罷臘饗考禮揆時宜得疎數之中今歲孟冬  
禋饗又孟饗并朔祭及薦新一月之內薦饗為煩欲乞  
權罷孟冬時饗在禮不黷於時為稱候平定日悉如舊  
制太常寺檢會五禮新儀太廟三年一禋以孟冬之月  
其年以孟冬時饗前擇日禋饗太廟勘會今來即合於  
孟冬時饗前擇日行禋饗之禮其孟冬時享亦合行禮  
詔依

四年三月二十二日禮部言准都省批下權太常少卿  
太廟景靈宮提點江端支奏伏見國朝故事時享太廟  
別廟其獻官行事執事官並前十日受誓戒於尚書省  
散齋七日致齋三日昨緣迎奉至揚州日有司申請從  
簡不受誓戒止赴祠所致齋一日循習至今竊恐因而  
廢墮欲乞今後遇饗廟並依故事前十日受誓戒於太  
廟齋坊令初獻讀誓文檢察太常少卿通攝刑部尚書  
泄誓散齋七日致齋三日仍令温州於太廟近便處踏  
逐寺觀充齋舍祠前一日質明赴祠所後批送部尋下  
太常寺勘會欲依本官所乞詔依

六年十月八日行在禮部太常寺言准勅宗廟神主於  
能仁寺權奉安訖若降指揮行正奉安合舉行每月朔



祭薦新五饗之禮所有依巡幸禮例未正奉安遇朔饗  
 日止係太常寺官燒香奉旨先權奉安餘條具申尚書  
 省續准臣僚上言近歲時歲時享徒以有請勿殺牛者  
 至三牲不備而謂之隨宜願明詔禮官參稽曲禮舉而  
 行之仰惟陛下祇事神靈之意詔依奏今勘會五享初  
 獻亞獻終獻各一員自來係大宗正司差官欲乞下大  
 宗正司差團練使至刺史一員充初獻內亞終獻乞牒  
 平江府輪差寄居近上宗室如闕差見任外官宗室充  
 又太常寺狀契勘初獻依條係差觀察使以上昨温州  
 降指揮差榮州團練使士街充今來乞依上件例差團  
 練使以上監察御史一員乞依自來捧羊俎一員以兵部尚  
 書侍郎闕以刑部尚書侍泣誓一員光祿卿光祿丞各  
 以郎官

一員以太常寺官闕奉禮郎太祝太官令各一員薦  
 香燈官五員並乞牒平江府差文臣捧俎官四員並乞  
 江府差宮闈令六員祝差有出身人捧俎官四員並乞  
 文武官關入內侍省貼差詔依  
 七年正月二十五日禮部太常寺言道君皇帝寧德皇  
 后上仙參酌到聞喪恤禮自發哀至祔廟停宗廟祭饗  
 并中小祠及禁樂詔依  
 十年十二月二十九日禮部太常寺言准勅節文太常  
 少卿陳桶劄子奏仰惟國家奉事宗廟有薦新有朔祭  
 有時享薦新用新物朔祭用羊時享用少牢祫享用太  
 牢此常禮也今每月薦祭儀物畧具而祫與時享每室  
 止用一羊願詔有司自今時享復用少牢其將來祫享  
 乞檢照紹興六年詔旨復用太牢詔令禮部太常寺討



論申尚書省今勘會依儀時享係用火牢昨緣太廟殿  
室隘窄難以依儀排設其時饗權用羊行禮今來太廟  
殿室並已展修可以依儀排設今討論欲自今時享並  
依本官所乞詔依

十二年四月二十六日權禮部侍郎施垌等劄子近討  
論大行皇后合行典禮內停宗廟祭及中小祀係用孝  
明皇后章穆皇后故事竊詳當時所以止停宗廟祭及  
中小祀者蓋是引用禮經唯祭天地社稷為越紼而行  
事謹按禮經越紼行事蓋為三年之喪七月未葬之故  
故上文云喪三年不祭儀禮曰為妻之服期檀弓之說  
魯哀公有為妻齊哀之文今以齊哀期喪而引用三年  
之喪禮殊失先儒不以卑廢尊之義竊恐難以遵用况

祭祀不行乃國之大事臣子所不敢怠今來大行皇后  
之喪未祔廟前所有宗廟祭及中小祀欲望特下停罷  
非惟有合禮經且使糾繆之典釐正於聖朝庶幾後世  
無得而議詔依

十四年正月十二日太常寺准內侍黃昭慶劄子奉旨  
太常寺今後孟春薦享宗廟可依在京例於下旬擇日  
十五年四月六日禮部言准都省批下太常丞王湛劄  
子近建懿節皇后別廟每遇五享止於太廟殿上設登  
歌樂殿下設官架樂至於別廟行禮却用別廟樂曲就  
太廟殿上間作於禮未順今相度別廟殿下地步窄隘  
難以設官架外欲今後享廟日於別廟添設登歌樂依  
儀三獻捧俎官并徹籩豆官詣別廟行禮合就別廟殿



上依節次作登歌樂其合用宮架樂却於太廟殿下通作後批送部看詳尋下太常寺檢准五禮新儀薦享別廟殿上設登歌之樂殿下設宮架之樂昨建懿節皇后別廟量地隨宜修蓋見今每遇五饗止就用太廟登歌官架之樂於禮實為未順欲依本官所請施行詔依二十年七月四日禮部太常寺言見今整俸太廟依紹興十六年例權奉安神主於初獻廳當時每遇薦饗行禮係每位各用十二邊豆今已添用禮器邊豆每位各二十六及五齊三酒與舊不同緣本廳地步隘窄依次排辦不盡將來孟炆薦饗合用禮器欲乞量地隨宜通融盡行鋪設詔依

二十五年七月二十五日禮部太常言郊祀大禮修整太廟別廟殿室依禮例合造遷祖宗帝后神主於初獻廳及告遷別廟神主於冊寶殿權行奉安若遇時饗太廟合設宮架大樂其權奉安處地步隘窄難以施設欲依禮例權用登歌樂通作宮架之曲候奉安畢日依舊詔依

二十七年六月二十三日禮部言准勅臣僚劄子乞舉行咸平詔書以祫享之日依儀排設七祀并配饗功臣及自今後應冬饗則設配饗功臣臘饗則設七祀亦乞遵依舊制奉聖旨令禮部看詳尋下太常寺契勘前項事理依得致和五禮新儀欲依所請施行詔依詳見禮部門二十九日九月二十二日禮部太常寺言大行皇后上仙自舉哀至祔廟合停宗廟祭饗詔依



三十一一年五月二十二日權禮部侍郎金安節等言孝  
慈淵聖皇帝升遐自舉哀祔廟合停宗廟祭饗并中小  
祀詔依

三十二年十二月二日臣僚劄子古之祭者室事交乎  
戶堂事交乎階自始行事至於禮成蓋不甚久故有強  
力之容肅敬之心者不至於倦怠也開寶通禮時饗太  
廟四室初獻纔畢而二舞易綴亞獻將畢而終獻已升  
是亦古者交事乎戶階之旨太廟十有一室并與別廟  
同時而祭亞獻復位而文舞始退武舞立定而終獻詣  
洗所同時刻頗多有司侍祠不勝其久非特破侍乃至  
有顛仆者欲乞將來安穆皇后祔廟及太廟別廟逐時  
祭饗並做開寶通禮文舞用於初獻以前武舞用於亞

獻以後仍於亞獻既入太室即引終獻相繼行事其間  
如墮祭之與合樂肺祭之與奉俎束茅之與徹豆皆可  
並行而不相悖者庶幾百辟卿士各盡虔恭以稱主上  
嚴奉宗廟之意詔依

乾道三年閏七月十日御史臺禮部太常寺言奉詔近  
來宗廟祠祭多不嚴潔可令禮部太常寺御史臺同共  
措置今措置下項 一神食禮料蠟燭於未實設前光  
祿丞太官令點視供官依儀實設次光祿卿次監察御  
史升壇殿點閱 一酒齊亦於未實設前光祿丞太官  
令監視供官先次點檢數目然後盡數實入尊壘如有  
設不盡餘酒於殿側設定以俟光祿卿及監察御史再  
行點閱 一禮畢監察御史升殿同太官令監視元設



禮料酒齊內蠟燭俟收徹畢方許熄滅監察御史俟收  
 徹畢方退 一牲牢於祠前一日太官令依時監視牛  
 羊司宰殺洗滌淨潔除打割合造神食外其餘胙肉令  
 太官令監視牛羊司用蠟封閉候收徹畢監察御史到  
 開鑊同太官令將餘胙並奠餘酒之類令牛羊司等人  
 例元例數目當官呈驗俵散 一祭器委太常寺官監  
 視當行人吏督責祭器司於祠前一日如法洗滌務極  
 潔淨監察御史躬親檢察 一祭服并祇應人法衣并  
 令祇候庫選擇解潔者如本庫委無見管堪好衣服即  
 下文思院依條修葺換造一大中小祀行事官稱疾請  
 假者依條牒醫官局看驗涉詐妄者彈奏 一致齋日  
 官吏不得聚飲喧笑務在恭肅 一所用牲牢器皿禮

料等如不蠲潔行事執事官吏諸色人如不嚴肅及違  
 犯今來約束並令監察御史具名彈奏取旨內無官人

送大理寺依條斷遣

內祠祭無察官去處  
即委本祭獻官檢察詔依

高宗建炎二年七月七日内出御札曰天子必有尊斯  
 極兩儀之奉聖人能饗帝故膺多福之崇朕以耿躬嗣  
 承鴻業念險阻艱難之未濟常嚴恭寅畏而靡寧乃應  
 乎天維新其命兆民欣戴而無離德大將數起而火凶  
 年遣使交鄰庶底干戈之載戢出師蕩寇已臻枹鼓之  
 稀鳴顧廟社之復安實神祇之並貺惟世祖建武之二  
 載始立郊位之規而肅宗乾元之初年嘗行禋祀之典  
 雖屬羽檄交馳之際豈忘天地祇事之誠在古有稽於  
 今敢急是用遵累朝之成憲舉三歲之親祠謁歛紫壇







太廟齋坊慶歷祀儀於武成王廟五禮新儀於太常齋舍未有於私廨者今行在釐務官浙西安撫司官臨安府屬官間有無本司者每至於致齋只在私廨家事喧雜何以致敬欲望明詔攸司遇致齋官無本司者聽於隣近寺觀後批送部看詳尋送太常寺看詳行事官無本司者如差克太廟五饗等行事依儀合於太廟坊致齋若差克祭太社太稷行事官依儀儀合於太社宮致齋其餘祠祭行事官聽於隣近寺觀致齋

時饗太廟別廟儀

時日

太常寺預於陽季以孟春擇日饗太廟別廟關太史局孟夏孟秋孟冬並准此若臘享則預於陽季以季冬臘日享太廟別廟太史局擇日報太

常寺

臘享則以其日報太常寺

太常寺參酌訖具時日散告

齋戒

前享十日受誓戒於尚書省其日五鼓贊者設位版於於都堂下初獻官在左刑部尚書在右並南向亞終獻位於其南稍東北向上若冬享臘享則又設禮官位於此准監察御史位於其西稍北東向兵部工部尚書押樂太常卿光祿卿押樂太常丞光祿丞位於其南稍西北向東上凡設太常丞先奉禮協律郎太祝太官宮闈祿丞位稍却令位於其東西向北上捧俎官薦香燈官位其後贊者引行事執事官就位立定禮直官引初獻降階就位禮直官贊揖在位者對揖初獻搯笏讀誓文云某月某日孟春薦享太廟別廟夏云孟夏秋云孟秋冬云各



揚其職不共其事國有常刑讀訖執笏禮直官贊奉禮  
協律郎太祝太官宮闈令以下先退餘官對拜乃退散  
齋七日治事如故宿於正寢不弔喪問疾作樂判書刑  
殺文書決罰罪人及與穢惡致齋三日光祿太官令齋  
一日二日於本司宗室於睦親宅都廳如相妨即於宗  
明至唯饗事得得其餘悉禁前饗一日質明俱赴祠所  
齋宮官給酒饌饗官已而闕齋者通攝行事

陳設

前饗三日儀鸞司設饌幔於東神門外別廟饌幔於本  
廟每室饌幔各一若冬享則設配饗功臣各為一次於殿下橫  
則設七祀次一於橫前二日有司牽牲詣祠所前一日  
街之北道西東向  
官闈令帥其屬掃除廟之内外太常設祭器凡設祭器皆藉以席

籩豆又加中蓋以俟告潔既畢權徽有司陳牲於東神門外當門西向祝  
史各位於牲後太常設省牲位於牲西三獻官在道南  
北向兵部工部尚書押樂太常卿光祿卿押樂太常丞  
光祿丞奉禮協律郎太祝太官宮闈令在道北南向俱  
西上凡設押樂太常丞以下位皆稍却若饗日則不設  
監察御史於兵部尚書之西少北太常陳禮饌於東神  
門外却東道北南向設省饌位版於禮饌之南三獻官  
在南北向西上監察御史在西東向兵部尚書押樂太  
常卿光祿卿押樂太常丞光祿丞奉禮協律郎太祝太  
官宮闈令在東西向北上捧俎官薦香燈官在其後太  
常設登歌之樂於太廟別廟殿上前楹間却南北向設  
宮架於太廟庭中立舞表於薈綴之間饗日丑前五刻



禮直官贊者諸司職掌各服其服宮闈令人殿開室整拂神幄帥其屬掃除鋪筵在室內北墉下南向几在筵上如常儀太常陳幣篚各於神位前之左幣以祝版各於神位之右置於坵次祭器實之每室左二十有六邊為四行以右為上右二十有六豆為四行以左為上俎二一在邊前實以羊七體一在豆前實以豕七體又俎六在豆右為三重以北為上第一以重實以羊豕各一第一在上端刊肺三次之腸三胃三又次之一實一豕一肺一九橫載第三重一實以羊豕各一實以豕一實以豕一載如腥皆羊登一在邊豆間大羹以實以豕一實以豕一釧三在登前實以豕一實以豕一籩八簋八在邊豆外二俎間籩在左簋在右籩實以稻稷稷實以黍稷前籩實以黍稷登一在邊之在左實以豕一實以豕一祭一在室戶外稍東實以豕一實以豕一血毛爐炭於室戶外之左稍前置蕭蒿於篚設尊罍

於殿上為二重著尊二加勺幕為上尊一實以酒一實以酒壺尊二加勺幕一實以酒一實以酒桑一并舟在著尊之右初獻酌之秋冬臘饗則設皐如勺罍又設鳥桑一并舟在著罍之右臘饗則設皐大尊二一實以酒一實以酒山尊二一實以酒一實以酒象尊二一實以酒一實以酒罍皆實以明水俱北向西上皆罍設而不酌爵坵三在在尊之前太常設燭於神位前若冬設設配饗功臣位於殿下橫街之南次內若臘饗則設祀司命戶屯中雷門厲行於橫街之上次內皆太常設神位席本廟設神位又設俎二於東神門外每室饌幔版太常設祭器實之

內洗二於東階下直東雷北向盥洗盥洗在東東加勺篚在洗西南肆實以巾若罍洗之篚則實以璋瓚執罍篚者位其後盥洗一臘於從祀神位前又設捐



位於東神門外如省牲位唯不設光祿卿丞捧俎開瘞  
 坎於太廟別廟殿西階之東方深取足容物南出陞設  
 望瘞位於太廟瘞坎之南如省饌之位唯不設光祿卿丞捧俎  
官薦香燈官宮闈令若臘饗又設三獻官席位於殿下  
則積七祀燎柴於西神門外禮官位於終獻之北設兵部工部  
 東階之東南西南立禮若冬饗臘饗則又設尚書於其南西向北上監察御史押樂太常丞席位於  
 殿庭之南北向奉禮協律郎太祝太官令位其後俱西  
 上光祿卿席位於監察御史之東北向又設監察御史  
 位於殿上前楹西架東向奉禮郎太祝在東西向北上  
 押樂太常丞於樂虞之北太官令於酌尊所俱北向協  
 律郎位二一於太廟殿上前楹間稍西一於宮架西北  
 俱東向押樂太常卿位於宮架北北向

省牲器

前饗一日行事執事官集初獻齋所肄儀太祝習讀祝  
 文及眠幣訖次禮直官贊者分引行事報事官凡初獻  
直官引餘詣東神門外省牲位立定禮直官贊揖訖次  
官贊者引引押樂太常卿入行樂架次引監察御史入升自西階  
凡行事執事官眠滌濯執事者舉冪曰潔次詣別廟眠  
升降皆自西階滌濯如上儀訖復位立禮直官稍前曰告潔畢請省牲  
 太祝出班巡牲一匝詣初獻前西向躬曰克退復位光  
 祿丞出班巡牲一匝詣初獻前西向躬曰肅退復位禮  
 直官贊省牲畢請詣省饌位揖訖引行事執事官各就  
 位立定禮直官贊揖所司省饌具畢禮直官贊省饌畢  
 揖訖俱還齋所光祿丞太祝以次牽牲詣厨授太官令



次引監察御史詣厨省鑊眠祭滌漑協律郎展眠樂器  
乃還齋所未前一刻太官令帥宰人以鸞刀割牲祝史  
以槃取毛血各置於饌所遂烹牲脯後宮闈令帥其屬  
掃除廟之內外訖還齋所

晨裸

饗日丑前五刻行事春冬用丑時七刻夏秋用丑時一刻祠祭官引宮闈令  
入詣殿庭北向立祠祭官曰再拜官闈令再拜升殿開  
室整拂神幄帥其屬掃除退就執事位次引薦香燈官  
入詣殿庭北向立凡官闈令薦香燈捧俎祠祭官曰再  
拜薦香燈官再拜升殿各就執事位次樂正帥工人二  
舞入就位太廟別廟登歌工人俟監察御史點閱訖升西階各就位次太官令光祿  
丞帥其屬寶饌具畢光祿丞還齋所次引光祿卿入詣

殿庭席位北向立贊者曰再拜光祿再拜升殿點視禮

饌畢次引監察御史升殿點閱陳設糾察不如儀者凡

視及點閱皆先詣俎室以至於室及別廟光祿卿還齋所餘官各服祭服

次引行事執事官詣東神門外揖位立定禮直官贊揖

次引押樂太常卿太常丞協律郎次引監察御史奉禮

郎太祝太官令入就殿下席位北向立次引初獻兵部

工部尚書亞終獻入就殿下席位西向立若冬饗臘饗

祠祭官於殿上贊奉神主次引薦香燈官入室措笏於

柘室內奉帝主設於座奉神主詣神幄內於几後啓執

笏退復執事位次引宮闈令奉后主奉別廟宮闈令奉

后主如上儀以青羅巾覆之退復執事位祠祭官於殿上贊奉

神主訖禮直官稍前贊有司謹具請行事贊者曰再拜



在位者皆再拜次引監察御史押樂太常卿太常丞奉  
禮協律郎太祝太官令各就位立定太官令就僖次引  
初獻詣盥洗位北向立搯笏盥手帨手執笏詣盥洗位  
北向立搯笏洗瓚授執事者執笏升殿詣僖祖室尊彝  
所西向立執事者以瓚授初獻初獻搯笏跪執瓚執彝  
者舉冪太官令酌鬱鬯訖先詣宣祖室尊彝所北向初  
獻以瓚授執事者執笏與詣僖祖室神位前北向立搯  
笏跪次引奉禮郎搯笏西向跪執事者以瓚授奉禮郎  
奉瓚授初獻執瓚以鬯裸地奠訖以瓚授執事者次執  
事者以幣授奉禮郎奉禮郎奉幣授初獻執笏與先詣  
宣祖室神位前西向立初獻受幣奠訖執笏俛伏興戶  
外北向再拜次詣宣祖室太祖室宗室真宗室仁

宗室英宗室神宗室哲宗室徽宗室欽宗室次降西階  
俱詣別室升西階詣懿節皇后室安穆皇后室安恭皇  
后室裸鬯奠幣並如上儀訖降東側階由東廊俱復位  
立協律郎跪俛伏舉麾興工鼓祝宮架作興安之樂孝  
熙照德之舞九成偃麾戛鼓樂止凡樂皆協律郎跪俛  
後作偃麾戛既晨裸薦香燈官入取毛血奠於神座前  
殿而後止別廟以太祝太官令取肝以鸞刀制之洗於鬱鬯貫之  
以膾燎于爐炭薦香燈官以肝膾入詔神於室別廟以  
太祝又出以隋祭于室戶外之左三祭于茅苴退復位

饋食

饗日有司帥進饌者詣厨以七升羊實于一俎肩膾膾  
肫膾在下端正脊一直脊一橫脊一長脊一短脊一代  
肫膾在下端正脊一直脊一橫脊一長脊一短脊一代



次升豕如羊實于一俎每室羊豕各一俎入設於饌幔內俟初

獻既升裸訖捧俎官及執事者捧俎入詣西階下北向

北上次引兵部工部尚書詣西階下搢笏捧俎兵部奉豕工部

奉升殿官架豐安之樂作詣僖祖神位前北向跪奠先

薦羊次薦豕各執笏俛伏興有司入設於豆右腸胃膚

之前羊在左豕在右次詣每室奉俎並如上儀樂上次詣別廟

奠俎如前太廟之儀唯登歌作肅安之樂降東側階由東廊復位

初奠俎訖次引薦香燈官取蕭合黍稷搗於脂燎於爐

炭當饋熟之時薦香燈官取菹擗於醢祭于豆間三又

取黍稷肺祭如初俱藉以茅別廟以太祝退復位次引

太祝詣僖祖室前東向立次引初獻再詣盥洗位官架

正安之樂作初獻升降行止皆作正安之樂至位北向立搢笏盥手悅

手執笏詣爵洗內北向立搢笏洗爵拭爵以授執事者

執笏升殿止登歌樂作詣僖祖室酌尊所西向立樂止

登歌基命之樂作執事者以爵授初獻初獻搢笏跪執

爵執尊者舉冪太官令酌著尊之醴齊訖先詣宣祖室

酌尊所北向立初獻以爵授執事者執笏興入詣僖祖

室神位前北向立搢笏執笏執事者以爵授初獻初獻

執爵祭酒三祭于茅苴奠爵執笏俛伏興出戶北向立

樂止次太祝搢笏跪讀祝文讀訖執笏興先詣宣祖室

戶外東向立初獻再拜次詣每室及詣別廟行禮並如

上儀初獻詣別廟升降登歌作崇安之樂初獻將降階登

歌作降階樂止官架樂作復位樂止文舞退武舞進官

架作正安之樂舞者立定樂止次引亞獻詣盥洗位北



向立搢笏盥手悅手執笏詣洗爵位北向立搢笏洗爵  
 拭爵以授執事者執笏升殿詣洗爵室酌尊所西向立  
 宮架作武安之樂禮洽備祥之舞執事者以爵授亞獻  
 搢笏跪執爵執尊者舉冪太官令酌壺尊之盞齊訖先  
 詣宣祖室酌尊所北向立亞獻以爵授執事者執笏興  
 詣僖祖室神位前北向立搢笏跪執事者以爵授亞獻  
 亞獻執爵祭酒三祭于茅苴奠爵執笏俛伏興出戶外  
 北向再拜次詣每室并別廟行禮並如上儀亞終獻詣  
 別廟酌獻登歌並作嘉安之樂初亞獻既入太室引終  
 獻詣洗及升殿行禮並如上獻之儀訖俱降復位若冬  
 俛終獻將升次引禮官詣盥洗位搢笏盥手若冬  
 詣配饗功臣神位前搢笏跪執爵三祭酒奠爵執笏  
 伏興再拜詣次引禮官詣盥洗位搢笏盥手若冬  
 終獻將升次引禮官詣盥洗位搢笏盥手若冬

司命神位前搢笏跪執笏三祭酒奠爵執笏伏興  
 立次引太祝進祝進詣神位前搢笏跪執笏伏興  
 訖執笏興退後位禮官再拜詣每位前行禮次引太祝  
 並如分獻饗功臣之儀退復位  
 徹籩豆籩豆各處一登歌恭安之樂作別廟卒徹樂止  
 次引宮闈令束茅訖俱復位禮直官曰賜昨贊者承傳  
 曰賜昨再拜在位者皆再拜送神宮架興安之樂作一  
 成止祠祭官於殿上贊奉神主入禋室次引薦香燈官  
 搢笏奉帝主入禋室薦香燈官先捧置於神座執笏  
 退復位次引宮闈令奉后主并引別廟宮闈令奉后主  
 入禋室並如上儀退復位祠祭官於殿上贊奉神主入  
 禋室訖次引初獻兵部刑部尚書亞獻就望瘞位若  
 禮官就望瘞位引有司詣室取幣束茅苴於坎次引監察  
 御史押樂太常丞奉禮協律郎太祝就望瘞位立定禮



直官曰可瘞寘土半坎本廟官闈令監視別廟殿下官  
次引初獻以下詣東神門外揖位立禮直官贊禮畢揖  
訖退若臘饗則次引禮直官詣西神門外七太官令帥  
其屬徹禮饌次引監察御史詣殿監視收徹訖還齋所  
官闈令闔戶以降太常藏祝版於匱光祿卿以昨奉進  
監察御史就展視光祿卿望闕再拜乃退

中興禮書第一百三卷

吉禮一百三

朔祭太廟別廟

建炎四年十月四日權太常少卿鄭士彥奉詔差護從  
宗廟神主往温州奉安其饗奉為禮器未備每遇月朔  
五饗欲省簡用酒脯行禮今相度乞令温州疾速添修  
合用禮器候齊足日乞依昨來洪州禮例用牲牢禮料  
等行禮及自來朔祭係監察御史一員檢察祠官執事  
人不恭及禮料器幣不如禮者奏劾今欲就令護從神  
主太常少卿檢察詔依

紹興元年四月十六日禮部太常寺言今來太行隆祐  
皇太后崩檢會景德四年故事太廟及中祠並權停候



園陵畢日仍舊令欲依故事施行詔依

四年七月七日禮部言準都省批下太廟景靈宮提點

奉迎所申朔祭祝版欲乞依舊例令秘書省今年十月

朔為始預行書寫一歲合用祝版進請御名降付本所

仍空所遣官御位年月時令依例令吏部差使臣一員

管押前來詔依

五年二月十四日太常寺言太廟別廟朔祭行禮係合

食止排辦一十一室依舊來條例每室各用羊一口共

用一十一口昨奉迎神主於揚州奉安係建炎二年指

揮省簡排辦共用羊六口比舊係減五口詔依舊來體

例施行

六年十月八日禮部太常寺言今宗廟神主未正奉安

遇朔日止係太常寺官燒香詔條具申尚書省續臣僚

言近歲時饗徒以有請勿殺牛者至三牲不備而謂之

隨宜况此歲視承平時固已不勝其簡尚忍盡棄而不

舉哉願明詔禮官參稽典禮必宜於今舉而行之詔依

今開具申請內一項朔祭太常卿一員以太常寺卿監

察御史一員依自來光祿卿一員以太常寺卿監

祝太官令各一員並乞牒平江府差文臣官闈令六員

二員就差本廟官四員伏乞朝廷詳酌施行詔依

七年閏十月六日禮部言准批送下權太常少卿馮摅

等劄子勘會已迎奉祖宗神主赴太廟奉安訖依禮例

合舉行月朔薦饗之禮又緣見在聖文仁德顯孝皇帝

未祔廟之內權停祭饗今檢會明德皇太后故事景德



元年三月崩至六月宗正卿趙安易言來月朔日詣太廟元德皇后廟備牙盤食薦享不出神主以皇太后梓宮在殯宗廟久闕薦享故也本寺契勘今來停宗廟薦享日久欲依故事遇朔日令本寺官詣太廟別廟行上食燒香之禮後批送禮部勘當本部勘當欲遇朔日且令太常寺官詣太廟別廟行燒香之禮詔依十二月十七日行在太常寺言已降指揮來春復幸浙西太廟神主先次進發今條具事件內沿路遇朔日依禮例係本寺官於神主前燒香俟到行宮令太常寺報太史局擇日奉安依時舉行祭饗詔依二十六年九月二十四日禮部太常寺言今年十二月一日臘饗太廟別廟同日又係朔祭日分檢會宋朝會

要淳化三年十月八日太常禮院言今年冬至親祀南郊前一日朝饗太廟前二日奏告宣祖太祖室伏緣自來每遇親祀承例更設朔望兩祭乃是十一月內三祭太廟兩室又行奏告之禮煩則不恭懼非孝思之意當院檢尋故事太平興國六年嘗罷臘饗求之典禮亦無明文竊緣十一月二十日皇帝朝饗去臘享月日相隔寔非煩數欲望權停十一月朔望之祭其臘享如常行禮從之契勘今來十二月一日若先行朔祭又行臘享之禮顯是煩數自來未有一日之內行兩祭者今依故事止行臘享權停當月朔祭詔依

二十九年九月二十二日禮部太常寺言大行皇太后上億今叅酌到典故數內自舉哀至祔廟停宗廟祭饗詔依



三十一年五月二十二日權禮部侍郎金安節等言孝  
慈淵聖皇帝升遐自舉哀至附廟停宗廟祭饗并中小  
祠詔依

乾道三年九月六日禮部太常寺言勘會今年十一月  
二日郊祀大禮前一日皇帝朝享太廟同日又係有司  
行朔祭日分若至日行朝饗禮又行朔祭之禮委是煩  
數欲乞依禮例權停十一月一日朔祭詔依

六年三月九日禮部太常寺言准尚書省劄子秘書少  
監李燾丞唐孚秘書郎李木劄子本省每修寫太廟朔  
祭及四孟薦饗祝版神宗皇帝祝文內欽聖憲肅皇后  
向氏欽慈皇后陳氏皆稱皇曾祖妣唯欽成皇后朱氏  
即不稱皇曾祖妣竊慮當時別有典故尋取會太常寺

寶錄堂

去後據本寺報今檢照得係崇寧元年二月十六日崩  
追尊為皇太后諡曰欽成當時不稱皇妣至建炎年間  
不稱皇祖妣今來不稱皇曾祖妣本省別無典故該載  
竊見哲宗皇帝祝文內昭慈聖獻皇后孟氏昭懷皇后  
劉氏皆稱皇伯祖妣與前件祝文不同伏望朝廷行下  
禮部太常寺重行指定因依以憑遵守詔依今檢照得  
欽成皇后朱氏係崇寧元年二月十六日追尊為皇太  
后諡曰欽成所有今來每遇祭饗合用祝文等並合欽  
聖憲肅皇后欽慈皇后體例稱呼詔依

子欽成皇后稱皇祖妣合奏告太廟別  
廟景靈宮諸陵并兩橫宮詔恭依

二十一日禮部  
侍郎劉章等劄

朔祭太廟別廟儀

齋戒



前祭一日質明行事執事官赴祠所致齋唯祭事得行其餘悉禁官給酒饌祭官已祭而闕者通攝行事

陳設

前祭二日有司牽牲詣祠所前一日宮闈令帥其屬掃除廟之內外有司陳牲於東神門外西向祝史各位於牲後太常設省牲位於牲西太常卿在道南北向監察御史光祿卿奉禮部太祝太官宮闈令在道北南向西上設禮饌於東神門外稍北南向設省饌位版于禮饌之南太常卿在南北向監察御史在西東向光祿卿奉禮部太祝太官宮闈令在東西向北上凡設奉禮部以下位皆稍却祭日丑前五刻禮直官贊者諸司職掌各服其服宮闈令入殿開室整拂神帷帥其屬掃除鋪筵在室內北牖

下南向凡在筵上如常儀太常陳幣篚各於神位前之

左幣以祝版各於神位之右置於坵次設祭器皆藉以

席實之每室左二十有六適為四行以右為上第一行

前粉餐次之第二行麴在前黃白黑形鹽臘鮑魚鱸次之第三行乾棗在前濕棗桌濕桃乾桃濕梅乾蕨榛實

次之第四行菱在前芡桌鹿脯菱右二十有六豆為四

行以左為上第一行配食在前糝菁菹之第二行韭菹

次之第三行葵菹在前醢本麋鷄菁菹大蛤蚘醢豚拍

魚醢次之第四行芹菹在前兔醢深蒲醢醢落菹膾

筒道魚俎二一在籩前并春兩脾七體兩脾兩膾

之春一在豆前直春一橫春一長膈一膈一正春一

皆二以並肩膈膈在上端又俎三在豆右為三重以北

為上肺第一重實以羊首一第二重實以羊膾腸胃肺離

重實以羊熟腸釧一在籩豆間加芼滑簋八簋八在籩



豆外二俎間簋在左簋在右簋實以稻前簋實登一在

籩之左實以槃一在戶外稍東實以黍稷在黍前壘於殿上為二

重著尊二加勺罍為上尊齊一實元酒一實醴壘尊二實

元酒一太尊二一實醴齊山尊二一實醴齊犧尊二實

沉齊一象尊二一實昔酒壘皆實以明水俱北向西上

加幕皆設而不酌太常設燭於神位前洗二於阼階下

直東雷北向鹽洗在東壘在洗東加勺籩在洗西南肆

實以巾若爵洗之籩則執壘籩者位於其後設揖位於

東神門外如省牲位開庖坎於殿西階之東方深取足

容物南出陞設望瘞位於其南如省饌位唯不設光祿

令設太常卿席位於殿下東階之東南西向監察御史

席位於殿庭之南北向奉禮郎太祝太官令位其後西

上光祿卿席位於監察御史之東北向又設監察御史

位於太廟及別廟殿上前楹西東向奉禮郎太祝東西

向北上太官令於酌尊所北向

省饌

前祭一日行事執事官集太常卿齋所肄儀太祝習讀

祝文及眠幣訖次禮直官贊者分引行事執事官詣東

神門外省牲位立定禮直官贊揖訖次引太祝出班巡

牲一匝詣太常卿前西向躬曰克退復位太官令出班

巡牲一匝詣太常卿前西向躬曰肫退復位禮直官贊

省牲畢請詣省饌位揖訖引行事執事官詣省饌位立

定禮直官贊揖所司省饌具畢禮直官贊省饌畢揖訖

俱還齋所次太祝以次牽牲詣厨授太官令次引監察



御史詣厨省鑊賦祭器滌漑未後一刻太官令帥宰人以鸞刀割牲祝史以槃取毛血各置於饌所遂烹牲脯後宮闈令帥其屬掃除廟之內外訖還齋所

行事

祭日丑前五刻行事春冬用丑時七刻夏秋用丑時一刻祠祭官引宮闈令

入詣殿庭北向上凡官闈令行祠祭官引祠祭官曰再拜宮闈令

再拜升自西階凡行事執事官開室整拂神幄帥其屬

掃除退就執事位次太官令帥其屬實饌具畢次引光

祿卿入詣殿庭席位北向立贊者曰再拜光祿卿再拜

升殿點視禮饌畢次引監察御史升殿點閱陳設糾察

不如儀者凡點視及點閱皆先詣儋祖室以至次室及別廟光祿卿還齋所餘

官各服祭服次引行事執事官詣東神門外揖位立定

禮直官贊揖次引監察御史奉禮郎太祝太官令入就

殿下席位北向立次引太常卿入就殿下席位西向立

祠祭官於殿上贊奉神主次引宮闈令入室措笏於祔

室內奉帝后神主設於座奉神主詣神幄內於几後置設於座以白羅巾覆之后主

用青羅巾執笏退復執事位祠祭官於殿上贊奉神主訖禮

直官稍前贊有司謹具請行事贊者曰再拜在位者皆

再拜次引監察御史奉禮郎太祝太官令升殿各就位

立定太官令就儋祖位酌所次引太常卿詣盥洗位北向立措

笏盥手挽手執笏升殿詣儋祖室神位前北向立措笏

跪次引奉禮郎措笏西向跪執事者以幣授奉禮郎奉

禮郎奉幣授太常卿訖執笏與先詣宣祖神位前西向

立太常卿受幣奠訖執笏俛伏興出戶外北向再拜次



詣宣祖室太祖室太室宗室真宗仁宗室英宗室神宗  
室哲宗室徽宗室欽宗室次降西側階詣別廟升西階  
詣懿節皇后室安穆皇后室安恭皇后室奠幣並如上  
儀訖降東側階由東廊俱復位次引太祝詣僖祖室戶  
外之西東向立少頃引太常卿再詣盥洗位北向立搯  
笏盥手帨手執笏詣爵洗位北向立搯笏洗爵拭爵以  
授執事者執笏升殿詣僖祖室酌尊所西向立執事者  
以爵授太常卿太常卿搯笏跪執爵執事者舉罍太常  
官令酌著尊之醴齊訖先詣宣祖室酌尊所北向立  
太常卿以爵授執事者執笏興入詣僖祖室神位前北  
向立搯笏跪執事者以爵授太常卿太常卿執爵祭酒  
三祭於茅苴奠爵執笏俛伏興出戶外北向立太祝

搯笏跪讀祝文訖執笏興先詣宣祖室戶外東向立太  
常卿再拜詣每室及別廟行禮並如上儀俱復位祠祭  
官於殿上贊奉神主入柩室次引宮闈令搯笏奉帝后  
神主入柩室宮闈令先奉匱置於神座納神主於匱訖  
捧匱入柩室執笏退復位祠祭官於殿上贊奉神主入  
柩室訖次引太常卿詣望瘞位有司詣室取幣置於坎  
次引監察御史奉禮郎太祝就望瘞位立定禮直官曰  
可瘞寘土半坎本廟宮闈令監視別廟幣帛本廟宮闈  
令監視次引太常卿以下詣東神門外揖位立禮直官  
贊禮畢揖訖退太官令帥其屬徹禮饌監察御史詣殿  
監視收徹訖退宮闈令闔戶以降乃退太常藏祝版於  
匱



此處為書中內容，因字跡模糊，難以辨認。可見其為一頁完整的經文或禮書內容。

中興禮書第一百四卷

吉禮一百四

薦新太廟別廟儀

時日

每月太常寺關所司有新物報太常寺孟春韭雞卵葍  
仲春水季春筍蒲鮪魚含桃如鮪魚闕代以魴鯉孟夏  
菹大麥仁小麥麩仲夏雛雞黍瓜季夏芡菱孟秋粟稷  
棗梨仲秋麻稻季秋菽兔棗孟秋冬鴈仲冬麇季冬魚  
若時運有後先物有成有早晚如含桃三月  
當薦或萌實未成轉至孟夏當至孟夏薦  
薦獻日散告

陳設

前一日有司設新物於太常卿齋所至日以行事設







中興禮書第一一百五卷  
吉禮一百五  
景靈宮一  
建炎元年五月二日詔江寧府修景靈宮諸帝諸后共  
作一殿  
四年八月二十日景靈宮主管所狀勘會景靈宮諸殿  
神御昨承聖旨迎奉赴湖州天慶觀權行奉安緣湖州  
四面湖水闊遠別無陸路乞於福建廣南荆湖南北江  
西兩湖東路選一穩便州軍領預先擇日迎奉神御前  
去權行奉安詔令迎奉前去温州奉安同日一  
紹興元年正月十一日禮部太常寺言准都省批下温  
州申本州見奉安景靈宮等處神御每遇旦望節序生

中興禮書第一一百五卷

吉禮一百五

景靈宮一

建炎元年五月二日詔江寧府修景靈宮諸帝諸后共  
作一殿

四年八月二十日景靈宮主管所狀勘會景靈宮諸殿  
神御昨承聖旨迎奉赴湖州天慶觀權行奉安緣湖州  
四面湖水闊遠別無陸路乞於福建廣南荆湖南北江  
西兩湖東路選一穩便州軍領預先擇日迎奉神御前  
去權行奉安詔令迎奉前去温州奉安同日一  
紹興元年正月十一日禮部太常寺言准都省批下温  
州申本州見奉安景靈宮等處神御每遇旦望節序生



辰忌辰排辦酌獻送禮部太常寺言官擬定申尚書省  
 勘會見奉安景靈宮萬壽觀會聖宮章武殿神御每遇  
 旦望節序生辰忌辰並各合酌獻即係同日一時四處  
 酌獻顯是煩數今擬定除景靈宮諸殿神御自合每遇  
 旦望節序生辰權令逐處主管官燒香詔依  
 八月十六日景靈宮主管所狀知温州林之平劄子奏  
 本州見奉安景靈萬壽觀會聖宮章武殿祖宗神御分  
 寓四處而歲時薦享之際不無煩黷欲望就擇一爽塏  
 雄麗可為宮殿處所迎奉神御併就一處奉安詔依令  
 林之平同主管官條具申尚書省勘會本宮神御即今  
 見在開元寺權行奉安萬壽觀會聖宮章武殿神御已  
 併在萬壽觀並在天慶宮一處權行奉安欲乞令温州

知通選日奏告移迎萬壽觀會聖宮章武殿神御併就  
 景靈宮於開元寺趨那佛殿奉安詔依  
 十一月一日詔萬壽觀會聖宮章武殿神御仍併入景  
 靈宮差岑瑩主管迎奉

六日差祠部員外郎向宗厚充逐處提點官

又奉詔旨  
已差內侍  
省押班岑瑩前去充主管迎奉温州景靈宮等處神御  
其應行移文字與向宗厚同御申發其餘內侍不得一  
面行移申

三年五月八日禮部太常寺言勘會見差官塑製昭慈

聖獻皇后神御將來迎奉赴温州景靈宮合於昭懷皇  
 后神御之上奉安詔依

十四日禮部言見塑製昭慈聖獻皇后神御其奉冊寶  
 候迎奉日一就前去仍乞令温州長吏率見任温州宗



室南班官前導立班詔依

九月二十四日權太常少卿充神主神御提點江端友言臣至景靈宮瞻視列聖神御次至後殿竊見會聖官神御通天冠有損動傾側者仁宗皇帝神御肌粉脫落色沒遂體問得昨自西京迎奉在路雨濕及渡江泥水霑漬其元舊冠往往去失逐急權時造作充代既至温州三經梅雨蒸潤是致損動本所曾於去年閏四月內奉乞重別造冠并裝飾衣紋蒙送禮部勘當稱温州係權奉安乞候將來正奉安日製造臣愚竊以謂國家崇奉祖宗神御務極嚴肅尋常赦令前代祠廟猶許修飾况列聖神御不容以權奉安為辭實未足以副陛下孝思之心欲望特降睿旨下所司製造通天冠八頂降

付本所奏告換易及選差工匠前來添補肌粉雅飾衣紋詔依奏令本所先次開具合用物料并綵畫樣制申尚書省

五年六月二十八日太常寺言准尚書省批下温州并景靈宮主管奉迎所狀為列聖神御通天冠顏色損剝色沒合行添補肌粉雅飾制度批送太常寺看詳申尚書省今具下項一檢准五禮新儀通天冠二十四梁犀簪導加金博山附蟬今來温州并景靈宮主管奉迎所畫到通天冠樣制即未應二十四梁之數及中間合加金博山處却用紅地施龍仍太高掩蔽梁數亦無附蟬未應制度本寺看詳二十四梁係通項卷向後其博山係於中間所畫紅處合用金色圭首不徹頂不與二



十四梁通卷所附金蟬即綴在博山之上 一行在造  
 通天冠畢乞差內侍一員迎奉前去候到温州令景靈  
 宮主管奉迎所擇日報温州差官行禮及排辦奏告告  
 遷候雅飾了當却行奏告奉安 一換戴頭冠并添補  
 雅飾衣紋用工日奏告并雅飾畢奏安各合用御封降  
 真香乞從本寺具合用數闕入內內侍省請降 一合  
 用祝文三首 一首述以添補雅飾衣紋告遷時前奏告  
 之意一首述以添補雅飾衣紋告畢奉安  
 戴頭冠奏告之意 乞令學士院修撰進書訖降付入內  
 內侍省就降香人齋往 一奏告奉安并換戴頭冠並  
 候香祝到景靈宮主管奏迎所擇日報温州一面依禮  
 例行禮詔列聖神御通天冠依具到徑圍尺寸令太常  
 寺指說文思院製造合用物料仰臨安府疾速收買錢

申戶部支降其計料到添補肌粉雅飾衣紋物料令温  
 州於係省錢內收買應副仍差顧會解匠人餘依  
 七月二十六日內侍譚璨狀准差迎奉温州列聖神御  
 通天冠八頂前去所有合行事今具申請下項 一今  
 來所差迎奉温州列聖神御頭冠係崇奉祖宗服御  
 之物乞以主管奉迎温州神御頭冠所為名下禮部權  
 借奉使印記一顆 複匣 行使仍免月申并應有奏報申  
 發文字並乞入急遞鋪轉送行在入內內侍省投進沿  
 路乞免趨赴朝拜行香 一頭冠八頂欲於見造去處  
 指差知首尾人匠一名隨行祇備修整所有腰輿二乘  
 各合差撥下都輦官八人肩擎并節級一名作兩番互  
 換袞同祇應 一今來奏報行移文字欲乞差破行遣



寶齋堂  
手分二人許於內外官司指名抽差理為在司月日帶  
行諸般見請請給并乞下皇城司指差看印投文送文  
字巡視照管頭冠親事官四人 一製造頭冠畢工合  
行文交割打角欲乞預報臨安府踏逐穩便去處權暫  
安奉仍關報太史局選日進發兼今來道路經由台州  
登陟山嶺險峻去處全藉人兵巡宿照管今乞下樞密  
院提轄軍兵差撥兵給二十五人及乞行下經過州縣  
督責巡尉人兵巡護前去 一將來頭冠腰輿二乘肩  
擎按程沿路宿頓合用幃幕安設欲乞下臨安府關借  
五幅黃絹壁衣額各二道并黃絹一疋充印造本所一  
行人吏號文辯驗前去應副使用候回程日拘收送還  
臨安府詔依

八年四月十八日中書門下省言勘會温州安奉景靈  
宮神御依條每遇節序并忌辰各合供燒紙贈昨緣申  
請遂行寢罷甚非崇奉之意詔節序忌辰合用紙贈令  
温州依舊應副供燒

九年四月十七日禮部太常寺言迎奉徽宗皇帝神御  
赴景靈宮合於哲宗皇帝神御之次安奉顯肅皇后神  
御合於昭懷皇后神御之次安奉詔依

五月十一日同簽書樞密院事充京東留守兼權開封  
尹王倫等言昨緣劉豫拆毀內中天章閣將欽先孝思  
殿御容遷出在聖院自交割之後臣等知聞已差官致  
禮辨認見在聖院佛殿內權行安奉今來未審合與不  
合差官迎奉赴行在唯復止於欽先孝思殿奉安詔令



留守司將畫像差官迎奉赴行在所其石塑木雕聖像  
依舊安奉候汴水通日取旨

七月八日景靈宮主管奉迎所奏准尚書省劄子將來  
迎奉神御赴湖州奉安若起離前來未審經由是何道  
路詔由台州路前來

十月七日臣僚上言臣聞孝莫大於寧親寧親莫大於  
寧神寧神莫大於得四海之歡心是知人君寅奉宗廟  
安寧祖孝不在於煩文末節而以不失民心為上也臣  
伏觀近降指揮温州遷迎諸宮殿神御至湖州奉安竊  
聞自温州至紹興府遞相閱報州縣祇備迎奉神御沿  
路拆跨街屋鑿山開路每頓要大屋五十七間簷高  
一丈四尺皆就空地旋起催督鼎沸不勝其擾州縣官

吏為見神御經由事體重大不敢輕易唯知奉行豈恤  
民力乞連下本路約束官吏迎奉之際務從簡約不必  
過為事勢致有騷擾詔令温州福州主管奉迎所別聽候  
朝廷指揮未得閱報經由州縣祇備應所差人船等今  
所屬日不散仍令温州福州報經由州縣照會  
十一月二日龍圖天章寶文顯謨徽猷閣狀准尚書省  
劄子禮部太常寺奏塑製徽宗皇帝顯恭皇后顯肅皇  
后神御畢工今討論欲且於內中天章閣權行奉安俟  
將來迎奉温州神御往湖州奉安日令太常寺別行  
申請奉聖旨依奏本閣遂具奏聞奉詔神御殿已是隘  
窄令申尚書省於見撥移殿宇以西地步內下臨安府  
修內司計會太常寺相視修蓋殿宇奉安



十年七月三日都省批下景靈宮使司申景靈宮主管  
 所依近降指揮以景靈宮主管奉迎所為各檢准本宮  
 供奉令諸本宮行移以景靈宮使司為各宮使闕節稱  
 所今除威德軍節度使開府儀司三司高世則充景靈  
 宮使除已依條以景靈宮使司為名申尚書省照會前  
 批送禮部奉聖祖天尊大帝  
 閏四月二十八日權太常少卿王師心等言本寺同臨  
 安府修內司相視劉光世宅下項一廳東西長七  
 丈五尺可以隨宜改修作前殿奉安聖祖天尊大帝  
 一前堂東西長七丈四尺二寸可以隨宜改修作第二  
 殿奉安祖宗神御九位一後堂東西長七丈四尺欲  
 於東西各展一丈可以隨宜改修作第三殿奉安元天

大聖后并諸后神御一十八位 一後堂北四并堂欲  
 隨宜改修充奉安萬壽觀會聖宮并章武殿聖像神御  
 詔依 五月二日提舉修內司承受提轄王晉錫狀據  
 修內司申勘會相視到故劉光世宅隨宜改修作前殿  
 第二殿第三殿奉安祖宗諸后神御并後堂北四并堂  
 欲隨宜改修充奉安萬壽觀會聖宮并章武殿聖像神  
 御本司除已恭依施行外數內後堂北四并堂改修充  
 奉安萬壽觀會聖宮并章武殿聖像神御今來四并堂  
 雖在後堂之北緣有河一道相隔到彼地步稍遠竊慮  
 緣急行香未便今相度目即劉光世宅大門裏南壁有  
 舊宅一所與前項三殿相去不遠欲別作一所在可以  
 隨宜添修充奉安萬觀等聖像神御詔依令太常寺相



度

六月五日提舉修內司承受提轄王晉錫狀據修內司  
申勘會故劉光世園宅數內後堂改修作第三殿奉安  
一十八位今相度即今後堂五間通闊七十四尺太常  
寺申明乞東西各展一丈通闊九十四尺今契勘侵占  
內四尺係堂兩壁山牆隔減侵占每壁濶二尺造神御  
帳座兩壁山花斜分并轉道柁欄侵占每壁一尺實闊  
八十八尺今來分作一十八位每位濶四尺八寸九分  
緣每位前合設香案就小造已長六尺無帳座前兩壁  
未有進湯御路今來欲每位作六尺闊東西兩壁各留  
五尺充詣神御前進湯御路并堂兩壁山牆隔減每壁  
侵占二尺及帳座兩壁山花斜分轉道柁欄每壁侵占

一尺通計合使濶一百二十尺四尺止將堂東西兩挾  
并廊屋改修通作九間日後委無妨礙詔依令太常寺  
日下相度

十四日提舉修內司承受提轄王晉錫狀據修內司申  
勘會已降指揮劉光世宅大門裏南壁舊宅一所隨宜  
添修充奉安萬壽觀等處聖像神御太常寺相度其南  
壁舊宅若將面東前堂奉安萬壽觀昊天上帝一位後  
堂奉安會聖宮章武殿萬壽觀神御一十三位并將來  
迎奉內中承元殿徽宗皇帝神御二位共一十五位緣  
見今後堂據圖內貼說止係四丈四尺欲東西各展一  
丈通作六丈四尺所貴可以隨宜奉安別無妨礙劄付  
修內司照會本司契勘後堂元係四丈四尺今來東西



各展一丈通作六丈四尺所貴可以隨宜奉安別無妨礙剗付修內司照會本司契勘後堂元係四丈四尺今來東西各展一丈通作六丈四尺竊慮行香御路隘窄將欲每位從小造作以香案奠酒盆臺為率依第三殿每位各得六尺并除兩壁牆侵占四尺山花二尺及駕路一丈計一丈六尺共展作一百六尺係作七間除舊位三間兩壁共添四間每間各得一丈五尺五寸詔依令太常寺相度施行七月三日太常寺言本寺今相度二十一日禮部太常寺言已降指揮就行在修蓋景靈宮候畢工差官迎奉聖像神御今先次條具到奏告告遷事件下項一合用青詞三首祝文四首並述以迎奉赴行在一合用御奉降奉安奏告之意乞下學士院修撰進書降付一合用御奉降

真香奏告用四十合造遷用五合沿路用三十合乞下入內內侍省請降一奏告告遷乞令所差迎奉官候到温州選日行禮其合用茶酒果等令本州依例排辦詔依

二十二日禮部太常寺言今參酌迎奉聖像神御合差擎捧腰輿人乞令景靈宮主管奉迎所移文逐州差近上禁軍充沿路經過州縣乞止令於門首奉迎其日禮生預集長吏已下詣門首幕次俟迎奉聖像神御將至立班定班首再拜在位官皆再拜訖次引班首詣香案前播笏上香再上香三上香執笏退復位立班首再拜在位官皆再拜訖執笏立俟聖像神御過班退奉辭將來迎奉到行在日依禮例文武百僚出城奉迎乞預行



約度到日下太常寺閱報詔依

二十四日後苑狀覩見添修景靈宮將來迎奉御容到來奉安緣本苑依條遇旦望節序生辰忌辰前後殿每殿各供酌獻果子二十楮其年終所用數目浩瀟乞依天章閣見酌獻果子錢數體例從本苑具數申朝廷請降錢赴本苑收買料例造作支供詔依

七月十一日內侍省押班主管景靈宮奉迎所張見道言在景靈宮萬壽觀後各有車馬門祇備內人赴宮酌獻乞下修內司於見今修建宮後修置詔依

八月一日禮部言准都省批下景靈宮主管奉迎所申備奉聖旨將故劉光世宅改修作奉安景靈宮萬壽觀會聖宮章武殿聖像神御殿今迎奉所經道路先於紹

興九年奉聖旨由台州路前來緣自温州須乘海船進發至館頭自樂清縣出陸沿路一帶高嶮峻至蕭山縣渡大江竊見處州一路自温州陞溪船至處州出陸雖縉雲嶺有坡坂不致高嶮餘皆平路由婺州嚴州前赴行在即不經涉大江合取朝廷指揮後批送禮部看詳尋下太常寺欲依本所所申事理詔依

二日禮部太常寺言已降指揮修蓋景靈宮奉安祖宗帝后神御并章武殿會聖宮萬壽觀聖像神御令既畢工所合差官迎奉詔差權吏部侍郎江邈

三日禮部太常寺言景靈宮主管奉迎所牒勘會本所主管官同温州知通依元降指揮赴官瞻視相度合行雅飾聖像及修換殿柱穿結冠朵修整頭冠并換造腰



輿並已一切了當詣指揮合奏告奉安今照行在修蓋  
景靈宮將畢已行申請差官迎奉聖像神御赴行在奉  
安今相度欲乞且於見今權奉安處安奉俟差到迎奉  
官至温州擇日告遷迎奉赴行在景靈宮一就行奉安  
之禮免致行禮煩數詔依

五日禮部侍郎王賓等言勘會昨日皇太后還宮緣景  
靈宮神御見在温州權奉安未曾朝謁今欲乞候將來  
行在奉安神御畢依禮例擇日車駕詣景靈宮行欵謁  
燒香禮訖擇日皇太后乘龍輿檐子詣景靈宮行朝謁  
禮更合取自朝廷指揮詔候奉安畢擇日取旨  
六日尚書省言迎奉神御合差都大主管一行事務官  
詔就差主管景靈宮奉迎所張見道

十三日權吏部侍郎江邈言伏蒙聖慈不以臣才力驚  
蹇委之奉迎列聖帝后神御凡四十位所歷谿山湍險  
之處不容少有疎虞其為任責不敢謂輕政賴所經州  
縣官吏叶心迎護庶獲善達竊慮所至不知體此所宜  
戒約又將來既依主管所申合自陸路回歸所用捧擎  
腰輿之人其數不少緣所經由係嚴婺處州路分今歲  
經夏小歉蠶麥不至甚稔農民所宜優卹若更起夫科  
役必至騷擾惟宜盡用逐州禁軍廂軍并內外諸縣鎮  
塞土軍及應干白直人兵擎捧逐州交替役使乞出  
自宸衷嚴降約束所貴州縣官吏及一行擁護之人皆  
知嚴恭畏懼而一方民戶無所繹騷詔依奏如起夫騷  
擾今江邈按劾聞奏



十四日尚書省劄子勘會温州祖宗帝后神御已降指  
揮迎奉赴景靈宮所差迎奉官見已起發其到行在奉  
安等應干合行典禮事件劄付太常寺疾速討論申請  
於神御未到行在已前須管一切辦集了畢

二十七日禮部太常寺言今迎奉聖像神像御到行在  
自城外奉迎至景靈宮權奉安處合差援衛親從官二

百人

裝著儀注全

腰輿四十餘乘并捧擎香案等合差輦官

裝著儀注全

鈞容直樂人二百人僧一百人道士五十人

全並乞下所屬差撥至之日宰執文武百僚並出城赴

幕次俟報班定聖像神御腰輿將至班首已下並再拜

訖班首出班詣香案前搢笏三上香執笏復位班首已

下並再拜訖少立俟聖像神御腰輿過退

如值雨止內班再拜

南班宗室俟奉迎訖分左右騎道其奉迎使司官後從  
至景靈宮權安奉迎使司官燒香訖南班宗室陪位訖  
退詔依

二十九日禮部太常寺言已降指揮景靈宮前殿奉安  
聖祖天尊大帝中殿奉安祖宗神御九位後殿奉安元  
天大聖后並諸后神御共一十八位內萬壽觀前殿奉  
安昊天上帝後殿奉安會聖宮章武殿萬壽觀神御一  
十三位并內中承元殿徽宗皇帝神御二位共一十五  
位今來已差官前去迎奉神御俟將來到行在日合赴  
逐殿側座以俟擇日行奉安之禮今貼定逐殿奉安神  
御并聖像圖本欲依此安奉詔依



中興禮書第一百六卷

吉禮一百六

景靈宮二

紹興十三年九月一日禮部太常寺言將來景靈宮奉安祖宗帝后神御其內中承元殿徽宗皇帝神御三位并順承殿顯恭皇后神御二位依禮例合迎奉赴景靈宮同日奉安詔依

八日禮部太常寺言勘會迎奉內中承元殿順承殿帝后神御赴景靈宮及會聖宮奉安乞於告遷二日差侍從官奏告景靈宮聖像神御并萬壽觀會聖宮聖像神御其青詞祝文香幣禮料等並乞依禮例關報所屬撰寫供應詔依



十四日禮部太常寺言勘會將來奉安景靈宮祖宗帝  
后神御畢車駕擇日詣景靈宮行款謁之禮今參酌比  
附到合行事件 一乞分作兩日行禮第一日詣前殿  
聖祖天尊大帝并中殿諸帝神御前行禮第二日詣後  
殿元天大聖后并諸后神御前行禮所有萬壽觀會聖  
宮章武殿聖像神御俟第一日皇帝行禮畢依禮例差  
侍從官分詣行禮 一今來款謁行禮依禮例往回合  
作樂 一合差前導太常卿贊引太常卿博士各一員  
欲乞依朝獻例輪差太常寺官 一本官前殿中殿後  
殿各合於東廊設御幄并黃道裊褥黃羅拜褥及奏請  
紫褥並乞下儀鸞司釘設排辦 一至日合用陪位官  
乞依孟秋朝獻禮例 一至日合從駕文武官入赴皇

城內以俟從駕如常儀其餘合陪位官并行事前道導  
官並於景靈宮櫺星門內殿門外迎駕再拜訖趁赴行  
事前導并陪位立班 一合用御封降真香乞從太常  
寺具合用數報入內內侍者請降付侍香官 一合差  
酌茶酒侍香捲簾并轉進茶酒內侍官乞令入內內侍  
省差 一萬壽觀會聖宮章武殿合差分詣官二員欲  
乞差侍從官充 一合用供養食茶酒果并應合排辦  
事件並乞依四孟朝獻禮例 一行禮日辰乞令太史  
局遷定申太常寺申請朝廷指揮 一俟車駕詣官行  
禮畢依已降指揮擇日皇太后皇后詣宮朝謁燒香仍  
乞從皇太后皇后殿官關報太史局擇日取旨行禮詔  
依



十五日禮部太常寺言勘會今來迎奉景靈宮祖宗帝  
后神御今叅酌到奉安合行事件下項 一合差奉安  
并告遷神御禮儀使一員乞依禮例差宰臣充於奉安  
前一日赴本宮致齋 一勘會今來奉安景靈宮萬壽  
觀會聖宮章武殿祖宗帝后神御共三十九位除禮儀  
使合詣聖武祖天尊大帝并諸帝神御前一十位行禮  
位其餘二十九位合差奉行安行禮官三員分詣乞差  
執政官一員侍從官二員並前一日赴本宮致齋 一  
告遷奉安合差都大主管官一員乞差入內內侍省官  
詔依

十七日禮部太常寺言將來迎奉內中承元殿順承殿  
帝后神御赴景靈宮同日奉安其告遷日合用腰輿繼  
扇從物供養牙盤食酒果祝文合差扶持夾侍捧遷內  
侍捧擎輦官援衛親從官儀衛班直鈞容直樂人威儀  
僧道及禮儀使行事官致齋幕次等並乞依禮例申關  
所屬差辨詔依

十八日禮部太常寺言勘會今來迎奉景靈宮祖宗帝  
后神御今叅酌到奉安合行事件下項 一奉安日乞  
依禮例皇帝不視事前後一日不御殿奉安日百司作  
休務假 一合用奉安日時并告遷神元殿徽宗皇帝  
順承殿顯恭皇后顯肅皇后神御日時乞令大史局擇  
定申請 一合用御封降真香乞從太常寺具合用數  
關報入內內侍省取降 一合用青詞三首祝文五首  
並述以奉安聖 乞令學士院修撰書寫進書 一合用  
像神御之意



蒼幣三段各長一丈八尺小尺乞令太府寺行下左藏  
 庫支供 一奉安合用僧道欲乞每殿各差三十人前  
 一日晝夜互作法事 一奉安景靈宮萬壽觀係五殿  
 逐殿各合用樂人欲乞令都大管主所報鈐轄鈞容直  
 所差撥前一日晝夜互作樂祇應 一景靈宮萬壽觀  
 會聖宮章武殿神御各合用緞扇從物并執打人乞從  
 都大管主所指揮所屬相度合用大差人排辦 一合  
 差援衛親從官乞令都大主管所相度合用人數報皇  
 城司差撥前一日晝夜更互排立 裝著儀注全 一合差光  
 祿卿奉禮郎各一員太祝四員太官令一員乞輪差太  
 常寺官充如不足從本寺報國子監差承博士充前一  
 日本宮致齋 一奉安前一日早晚上香內聖像前各

合用素牙盤食神御前各合用葷牙盤食并每位各合

用茶酒果

并奉安日神御前合用牙盤葷食茶湯酒果

並乞依例從都大主

管指揮諸司排辦

一奉安日依禮例昊天上帝聖祖

天尊大帝元天大聖后位前合用素饌禮料祭器乞令

太常寺依例報所屬排辦 一奉安日合令宰執使相

并南班宗室陪位 一奉安行禮儀注乞依例從太常

寺修定關報詔依

二十二日禮部太常寺言契勘在京遇景靈宮奉安神

御合用細仗二千人於奉安前一日陳列於宮之內外

所有今來奉安祖宗帝后神御所有細仗合取朝廷指

揮兵部供到狀文德殿發冊黃麾細仗共一千四百二

人本部所管儀仗並已足備太常寺供到狀勘會將來



奉安神御用儀仗二千人除兵部合排辦儀仗人數外  
自來係將殿中省繖扇等并本寺鼓吹人共貼作二千  
緣今來殿中省已廢罷若將本寺鼓吹人共貼作二千  
人別無妨礙詔許用細仗二千人

二十四日內侍省押班張見道奏准差充告遷奉安景  
靈宮神御都大主管所有合行事件除太常寺已申請  
外今量事隨宜參酌條具到下項 一乞以告遷奉安  
景靈宮神御都大主管所為各所有合用印記乞就用  
景靈宮主管所見使印記行使 一今來告遷奉安聖  
像神御共三十八位所有合差扶持夾侍并陞降使臣  
並乞下入內侍省差所有承元順承殿神御如同日  
奉安亦合差扶持夾侍并陞降使臣 一合差承受

官一員主管諸司官二員並乞下入內侍省差詔依  
二十七日禮部太常寺言將來告遷徽宗皇帝顯恭皇  
后顯肅皇后神御赴景靈宮同日奉安依禮例皇帝前  
導神御出皇城門今參酌修定行禮儀注詔依

告遷前一日

其日威儀僧道並儀衛樂人更互作法事作樂排立禮  
儀使早晚上香如常儀告遷權奉安

告遷

其日有司排辦畢禮直官贊者分引禮儀使詣承元殿  
下西向立太祝北向立都大主管官禮直官贊有司謹  
往來照管  
具請行事贊者曰拜在位官皆再拜訖次引太祝升殿  
詣徽宗皇帝神御前之西東向立次禮儀使升詣神御



香案前搢笏上香再上香三上香跪一奠茶三奠酒執笏俛伏興火立太祝搢笏跪讀祝文訖降階復位禮儀使再拜訖降階復位火立次詣順承殿顯恭皇后顯肅皇后神御前行禮並如上儀訖降復位次詣望燎位南向太祝重行有司焚祝版訖權退歸次

時前有司排辦畢俟皇帝服履袍出內即御座鳴鞭行門禁衛諸班親從等諸司祇應人員以下崇政殿各自贊常起居次從駕臣僚并應奉及前導陪位官并管軍於崇政殿起居如閣臣門儀訖先退徑詣承元殿陪位立班禮直官引侍臣詣承元殿徽宗皇帝神御前之東西向立次引禮直官太常博士太常卿承元殿御幄前北向立閣門官相向立以俟皇帝自崇政殿乘輦出崇

政殿門至承元殿降輦歸御幄簾降閣門報班齊禮直官太常博士引太常卿於幄前俛伏跪奏稱太常卿臣某言請皇帝行酌獻之禮奏訖伏興復位立

奏禮畢簾准此

捲前導官前導皇帝詣殿下褥位西向立奏請拜皇帝再拜贊者曰拜在位官皆再拜訖前導官前導皇帝陞詣徽宗皇帝神御前褥位北向立內侍奉香奏請上香再上香三上香內侍以茶酒授侍臣侍臣西向跪以進又奏請皇帝跪一奠茶奠酒再奠酒三奠酒俛伏興又奏請拜皇帝再拜贊者曰拜在位官皆再拜訖前導官前導皇帝歸御幄簾降太常卿奏禮畢訖前導官先詣順承殿幄前立俟皇帝詣順承殿御幄簾降太常卿奏請前導皇帝詣顯恭皇后顯肅皇后神御前行酌獻之



禮並如承元殿儀訖前導皇帝歸御幄簾降太常卿奏禮畢訖前導官權退倍位官並退內係騎導官於北宮門外奉迎皇帝詣承元殿御幄簾降告遷時至輦官擊腰輿各升殿訖權退禮直官引禮儀使詣徽宗皇帝神御前俛伏跪奏禮儀使臣某言請徽宗皇帝頭恭皇后頭肅皇后神御降坐升輿赴景靈宮權奉安奏訖伏興少退東向立扶持夾侍詣承元順承殿捧遷神御各升腰輿都大主管官往來照管俟升腰輿訖輦官各升殿於腰輿前立次太常卿當幄前俛伏跪奏稱太常卿臣某言請皇帝步導神御進發奏訖伏興復位立簾捲前導官前導皇帝詣徽宗皇帝神御前褥位西向立次輦官擊腰輿以俟進行前導官前導皇帝詣神御腰輿前

稍左步導神御以次進行儀衛班直親從官等扈衛僧道作法事鈞容直作樂前引扶持夾侍分左右扶持禮儀使後從都大主管官往來照管前導皇帝步導神御出行宮北門外褥位少立俟置定腰輿前導官前導皇帝入御幄簾降有司排辦畢僧道法事鈞容直樂並權止太常卿當幄前俛伏跪奏稱太常卿臣某言請皇帝行奉辭之禮奏訖伏興復位立簾捲前導官前導皇帝出幄詣神御香案前奏請拜皇帝再拜訖又奉奏請皇帝上香再上香三上香訖又奏請拜皇帝再拜訖前導官前導皇帝歸御幄簾降太常卿當幄前俛伏跪奏請太常卿臣某言禮畢奏訖伏興復位少立輦官擊捧神御腰輿進行次前導官退皇帝服常服乘輦還內侍



衛如常儀十月八日太常寺言自承元順承殿至行官北門並無屋宇通行若至日不測雨降令太

常卿於承元殿帳前即奏請皇帝行酌獻奉辭之禮儀

禮後從禮儀使以下至騎導等官並乞施雨具

使騎從都大主管騎從及往來照管次宰執使相宗室

南班官於行官北門外奉迎神御再拜訖班首詣香案

前措笏三上香訖執笏退復位立班首以下再拜訖分

左右騎導儀衛班直親從官等扈衛僧道作法事鈞容

直作樂前引至景靈宮櫺星門外下馬步導禮儀使後

從都大主管官往來照管至權奉安殿下僧道法事鈞

容直樂並權止輦官權退禮儀使詣徽宗皇帝神御腰

輿前俛伏跪奏稱禮儀使臣某言請徽宗皇帝頭恭皇

后頭肅皇后神御升座權奉安奏訖伏興火退立輦官

擊腰輿各升殿扶持夾侍捧遷神御座權奉安訖僧道

鈞容直更互振作輦官擊腰輿退禮儀使以下歸次俟

有司排辦香火畢次禮儀使燒香畢退

十月六日禮部太常寺言將來奉安景靈宮神御所有

告遷承元順承殿神御日下酌獻禮乞令望參官陪位

其行事及陪位官至日乞依四孟朝獻禮例先赴崇政

殿起居訖赴承元順承殿立班俟皇帝行禮畢歸御幄

退內宰執使相宗室南班官俟陪位訖徑赴皇城北門

外幕次以俟奉迎前導神御至景靈宮詔依

同日御輦院狀已降指揮奉迎承元順承殿神御赴景

靈宮其告遷日皇帝服履袍詣逐殿神御前先行酌獻  
之禮畢還幄以俟步導神御出行官北門奉辭燒香畢  
還幄俟神御進行皇帝乘輦還內所有是日詣逐殿神



御前先行酌獻之禮具道遙平輦取進止詔步至神殿  
前行禮俟神御進行乘輦還內

七日太常寺言已降指揮告遷承元殿順承殿神御并  
奉安景靈官等殿聖像神御及奉安了畢車駕詣景靈  
宮行款謁禮分作兩日所有行禮日辰令太史局選定  
申請朝廷指揮今據太史局選到日分下項 一告遷  
承元順承殿神御宜用十月十一日甲午吉時宜用其  
日丁時吉 一奉安景靈官等殿聖像神御宜用十月  
十二日乙未吉時宜用其日丁時吉 一車駕詣景靈  
宮行款謁禮宜用十月十五日戊戌吉合於十月十五  
日十六日行禮詔依

十月十四日詔為值雨改用十七日十八日

八日太常寺言勘會將來擇日車駕詣景靈宮分作兩  
日行款謁之禮今具合差官下項 一依已降指揮第  
一日皇帝行禮畢差侍從官二員分詣萬壽觀會聖宮  
章武殿聖像神御前行禮伏乞降勅差侍從官 一合  
差進接茶酒侍臣二員一員詣聖祖天尊大帝元天大  
聖后并祖宗帝后香案前使俟使臣酌茶酒畢接盞跪  
進皇帝一員詣聖祖天尊大帝元天大聖后香案前俟  
皇帝進茶酒畢接盞置于聖像前並乞降勅差雨省官  
給事中中書舍人詔依

同日禮部侍郎王賞等言勘會將來車駕詣景靈宮行  
款謁之禮已降指揮分作兩日欲乞第一日依四孟朝  
獻禮例乘輦於東廊便門降輦步至御幄第二日乘輦



入櫺星門將至宮門降輦步至齋殿自齋殿由後殿北  
巡廊至後殿御幄其第一日第二日自齋殿還內步行  
過宮門乘輦還內仍乞令儀鸞司同臨安府自櫺星門  
裏絞縛露屋至齋門詔依  
九日閣門言奉迎告遷承元殿順承殿神御令從駕臣  
僚赴後殿起居餘官於後殿門以南迎駕起居俟駕入  
承元殿赴陪位詔依  
十二日太常寺言勦會十月十二日景靈宮奉安聖像  
御神御已降指揮奉安日不視事前後各一日不御殿  
本寺契勘十一日告遷十二日奉安并用丁時係連日  
行事欲乞應行事官於今月十三日給歇泊假一日詔  
依


二十六日詔內侍押班張見道罷奉迎所依舊主管景  
靈宮萬壽觀會聖宮章武殿

欵謁景靈宮儀

陳設

欵謁 關杰按二條永樂大典云見前會要是  
可據會要以補此闕





二十六日晴內卦旺...

寶齋堂



程